


魏鶴山先生全集



蔣肅
不肅
圖肅

重校鶴山先生大全文集卷之九十三

武學兵機策一道

世率謂漢初軍制復秦凡全將出師率多

踈略不若中葉之後選用之詳然嘗取其

一代制度而參考之則有不然者高帝知

人善任量才授職誅秦蹙項所向摧拉者

其將非時英盧韓彭等輩也主閉鹿也而

名鹿將主轄重也而名重將將如林之師

而名其將將築城之兵而各城將將則有

弩射則有樓煩將騎則有郎騎將以至

謹畏則謂之謹將勇特別謂之特將隨才

而任之使得各盡其用焉不特此也並兩

易山文集卷之九十三

騎為軍翼而謂之駢陣衛軍行之止舍而謂之統制掌軍門則有門尉掌旗幟則有檄志掌檢遮則有塞路執矛執盾者有其域車司馬騎司馬之各効其用長隊將二隊將三隊將之各因其才而游擊將軍以游擊為事長鉦都尉以長鉦為戰蓋雖一技一能亦嘗不兼收並錄也此等名號隨時建置而初無定制邪或秦楚問固有是名也然皆見之於楚漢未決之時而海內既定如前所謂諸將之號乃不多見何邪當時如木罌擊豹囊少誑龍與夫睢敗泚勝漢亦屢陣於水矣而獨無掌舟楫之將何邪魏趙齊楚折北相繼而此等諸將乃

策問一道

未嘗有頭然可見之功以垂史冊何邪豈又量才授職職有所拘而不得逞耶或貴乎擇人而不必徒泥乎名或所重者在主將而其餘皆無益於成敗也反覆漢初任將之制而有疑焉試與諸君商訂之

策問一道

問古今治亂得失之變未嘗不自下情之通塞始工箴瞽詩道諉市議比風降三代而無聞焉不謂漢而僅存遺意也自高帝十二年燕王之立始詔諸侯王而議之見於史者始此自後劉呂主王之議昭矣尊號之議猶稍見於史然不過及於二三大臣而止也文帝至代邸丞相上言與列侯

宗室大臣吏二千石議其議幾若廣於前
矣而即位未幾收帑之議止於平禁肉刑
之議止於蒼敬列侯九卿而下胡為而不
得以預諮訪之末邪然賈誼為博士每詔
今議下先諸老先生而為之對而後元之
詔亦曰令吏二千石博士議則是比六百
石亦得以預議焉又若初無定制何耶建
武昭宣元而後築朔方之議及於中大夫
挾弓矢之議及於光祿大夫侯史高之議
及於博士罷郡國廟之議見於議郎議出
於小臣而可行則罷珠厓之議違二府而
從待詔賈損之時韓邪保塞之議違有司
而從郎中侯應夔使欲降之議違公卿而

從光祿大夫谷永朱博得罪不以將軍二
十石而廢諫大夫勝等之議王家得罪不
以驃騎將軍御史而棄少府猛等之議初
不嫌於以卑抗尊也議出於大臣而可行
則入乘屯田之議皆大臣辯論而不決者
魏相一言而罷行如響初不嫌於以尊而
抑卑也不苟同不挾和不順情而天子臨
決可否亦未嘗以大小為嫌幾若有公天
下之意較之高文諸君議不及於小臣以
若有廣狹之不伴何邪然言路浸廣而治
日益降豈其徒為具文而未必若高文之
誠於聽納邪抑外庭失權而朝中加官之
士更相論唯其議未必出於公邪反覆一

陽山文苑集卷之九十一
陽山文苑集卷之九十一
陽山文苑集卷之九十一
陽山文苑集卷之九十一

凡之制而有或焉試與諸君平章之
類省別試所策問第一道
問是是非非人之良心也不以職分之分
合而有異同不以時論之向背而為語嘿
古先帝王欽承后帝顧享率籲羣獻布列
有也越小大謀猷罔有攸伏將以使人罔
不自尽昭事厥辟暨我國朝列聖相承
屈已稽衆尤足以盡羣下之情不特分建
三省以欽謹出令也中書密院分職受任
各班奏事事有大者始得同進故有中書
進擬有密院進擬有三首進擬有三省密
院同進擬其別蓋若此趙明與西人戰郭
達修堡柵二府不嫌於異議唐淑問除左

司諫陸佃等罷侍講而侍御史譚非西府
所當同進副樞欲取中書斷案而傳堯俞
持之李堪臣為吏部尚書而王巖叟辯之
宰相欲用韓縝鎮北門而韓忠彥事之自
今觀之上下府同列未始不相親也至於國
事則公爾忘私凜不可奪抑不知是非太
明亦有傷於同寅協恭之義否乎不特經
由外省許其封駁也閑移葦諫先事究圖
設有奏陳曾無嫌慮故臺臣論陳執中而
諫官不以為然諫官論蔡確而臺臣以不
言罷去至於王汾為諫議李常為中司揚
畏為察官臺諫亦互有抨擊自今觀之臺
諫同列宜無所矛盾也而於先朝舊制不

陽山安大官

陽山文集卷之九十三

四

長印

相往來雖以長官亦無閉白遇有當言空
臆無隱抑不知善惡太明亦有揚已取名
之嫌否乎然猶以為未也侍從之臣職親
地也論思獻納惟既厥心蓋不惟轉對可
以盡言也或不時宣詔以備顧問不惟經
筵有以進對也國家有大議如漢園新法
河防邊奏從臣皆得以昌言之熙寧詔書
謂言善而不用朕有厥咎道之而弗言爾
為不恭所以望於從臣者若此司馬光辭
副樞亦曰臣未受恩命猶是侍從之臣於
朝廷闕失無不可言者然則副樞雖尊豈
不若從臣之無不可言乎自今觀之所謂
從臣分曹列局各有攸司謂於朝廷闕

強者皆事外忘內者之為也嘗攷諸北狄
之始蓋自山戎儼抗至於冒頓而其地如
大東抵朝鮮南距長城西接烏孫北窮翰
海匈奴既弱鮮卑嗣興蠕蠕浸衰突厥踵
盛回紇僅破契丹崛起女真垂弱韃靼驟
強雖其種族不一興替無常而迭相更代
長為北邊之患其間惟秦皇漢武長驅深
入漠和厚太亦事窮任而卒莫能殄其遺
育豈天地間固不可有陽而無陰邪契丹
之始至不足道也自一後魏其名始見于
中國爰暨五年稍僭位號間擾疆場太
宗既平河東聲勢暫盛取幽薊如振槁耳
然亦不過旋師于幽迨其王少國危而復

伐之乃以名將銳卒衄于岐溝此何為者
武虜席新勝之餘虐劉侏邊垂蕩搖我鎮
定至于咸平景德以來慈益猖獗而乘輿
既駕虜折北不支委命下吏求成而退夫
太平雍熙以我全盛之力而不能乘虜衰
弱之機咸平景德以我宴安之又乃能抗
虜嗚張之勢豈勝負果不可以人力計邪
蕭英劉六符之來既厭所欲蕭禧再至又
決棄地之議故治平熙寧以後虜勢益驕
我師西征未皇北顧元祐以來復主和親
迂延至政宣以後則虜已為女真所啞不
能國矣二虎交斃我疑若可以分功者是
以有燕雲之師以一時宿將悉閑陝驕銳

之兵當契丹禹亡之餘而不能勝乃遂以
交攻皆約重女真之忿其故何耶異冊既
亡女真孔楸航江桴海迫我未已敵之強
益若此而士系國威反振于昔西有和尙
原殺金平之勝數年有大儀李家灣之勝有
順昌拓臯之勝數年之間虜挫死法傷不
暇至於金亮之暴而采石瓜州之勝卒使
自斃以強弱之勢示之其相反乃若此豈
吾所謂善為天下者敵之弱不敢忽敵之
強不足畏惟內修政事外固封守將無不
可為之時邪自昔夷狄盜有中土未有以
而不衰者其范曄所謂叛服去來固自有
數者邪抑亦不可委諸數而急其事也諸

君自此仕矣其素講預定以需世用
家塾試策問一道

問厥今試士於有司其有先於疆事乎夷
狄相攻中國之福昔人有是言矣其於今
也福乎禍乎或曰建交以來百年之一時
不可失也或曰結與以來屢和之成效固
可恃也或曰開禧以來輕舉之當鑒不可
再也或曰按甲毋動緩幣毋遣以委之於
事勢之所趨而姑名以守斯可矣或曰殘
虜未亡而以和款我亦有宣靖以來之事
可鑒或曰寓戰於守也或曰款敵以和也
或曰姑安之以待羣寇之自相吞噬也是

教說者惡乎長朝廷分道置帥使一切

假以遂事之權則論一付予非人寧無誤

事必從中覆亦有不不及事之憂若使節制

司總領所得以分其權則又不無掣肘之

慮今當以何道擾之王旅壞於刻刻禁旅

隋於不素教民兵阻於有功而不見知士

焉物故而不補則不給於用補之則力有

不贍忠義人有志於事功而不用則反而

謹我之粗可用者或多驕恣而妄膏之夫或

習為誕謾沉勇之偏裨或見抑於情忌輕

俊之諸校或志在於貪功今當以何術御
之青徐雍豫密接吾境殘虜之虛實諸寇

詩山六卷一
卷之六
長真

之盛衰此可立知也邊臣以謀報卒上亦
皆可信乎朝廷以餉兵之計盡付之四
總領予之以諸部之財賦而益之以鹽酒
山澤之利十年生聚為不少矣就有風塵
之警則科調詳然亦可常手中原做擾
後右之望未遂而款塞之舉浸多受之則
貽後憂非之則失人心聽其自去自來則
卒為我患其間流徙之民或曰計口授田
予以牛種或曰散處諸郡給以衣食不惟
游手未作有不願耕之人又慮無以贍其
後將驅之出境與恐非所以慰意黎之望
山東西河南北之間固多豪傑隱淪屠豕
今豈無人招而棗之徒啓誕妄寘之邊郡

其道則憑怙其衆以敵我師然則尚得謂
之忠義乎將帥既不能孰何聽其所如則
往往生事于境外稍加逼截則誅曰我損
軀以徇國丈義以復讎也而胡為我阻至
反戈以疾視則其勢不得不厚資以招集
也然苟得所欲則幡然而去願為我用則
仰給縣官民力既屈豈能勝此橫費將於
何而給之邪此其為勢決不能久來者必
圖所以更張之也萬一襲是跡而動殃禍之
變寧有已耶韓忠獻公以義勇刺正兵劉
忠肅公亦欲以保甲優等人刺正兵二公
自謂得因變制宜之道矣而司馬公論義
勇之害直謂教之晚射擊利乃他日為盜

之資蘇文定論保甲之害亦謂一手不罷
則廣勝之事可立而待然則今日以忠義
分謀正兵其果可恃以為安乎反覆其事
則未有枕駕之期也諸君其為我籌之

家塾策問一道

目羣華南竹輿地之登于職方者東薄明
粵南午瓊厓西盡岷嶠北極淮廣蓋僅當
舜十二州之三漢十三部之四晉十九州
之七為國若此亦廩廩矣而說者曰讎取
以當雪也亦義所當明也然而以強弱利
害言則動必有悔其信然乎嗟有童閔水
有長江自江以北又為淮若漢皆天所以
限南北也今擇是不爭而與羣寇角逐於

兩河之間則勝負未可知古人論事亦專
以地利言乎七年以來虜嘗越我濠梁踐
我江圯虜我漢南又嘗奪我西和成鳳梁
洋大安之險矣尚地利之足持乎九十年
間生聚教訓亦豈不象和我之利今使幣
之不通又矣脫又繼好寧不示弱於他寇
取輕於亡虜乎於其垂亡而猶與之和果
可以紓目前之急乎無已則有戰耳出淮
蔡可以睨陳出海道可以通洛出嵩號可以震
河東出商於秦鳳可以圖陝西此雖武夫
小人亦能按圖言之然中興以來固嘗得
河南而復失矣得陝西十三州而旋棄之

夫舉唐鄧海泗而授人矣自淮入泗自泗
入宿紹興開禧凡再至而再興矣休兵息
民之義取之而不能得得之而不能守而
謂今可為乎居邊之民習見其爾今復我
信乎或曰資山東忠義可以平取青徐結
約夏人可以夾攻開陝撫納岩昌十八蕃
族可以援西和階文然非我族類亦可保
信乎我未有以致人之服從而赤手空拳
以御徂詐得乎譬彼舟流莫知所屆願與
諸君切磋商究之

宗子取應策問一道

宗子取應之制務從寬易九以厚同姓厚
親親也雖然酌以古制竊有感焉古之教

者必由小學自幼儀簡諒方甲書名禮樂
射御具有次第蓋將陶冶氣質涵養性端
以為知類格物之基非以勞之也經傳所
載小學大學之年雖互有不同然大要自
成人以至強仕自有二十餘年講孝之功
今教養之序淺而祿仕之意多母乃強之
以學問乎取之以科舉之文自其童習固
已勸趨利祿寧不為德性之害乎或曰所
謂強仕者疑以用之鄉人及異姓也不然
何其無別乎然古者王子群后之太子與
鄉人借齒于學自造立以上官爵位祿未
嘗有貴賤戚疏之別也今自行異時聖人
著之於書猶拳拳致意焉紀堯之事曰正

月上日紀舜之事曰月正元日紀禹之事
曰正月朔旦且堯舜禹用寅正故聖人書
其正焉乃若於商則曰十有二月於周則
曰一月不獨不謂之正月聖人蓋不與其
正也此所以示萬世之常何謂用其權行
夏之時自聖人平居議論聖人非不知夏
時之為正而春秋乃止用周正何也二百
四十二年之間正朔相承周也而天下不
知有周聖人筆之史正次王王次春筆袞
斧鉞寄之一字使天下曉然知有王室之
尊其或不書正不書王皆所以譏其無正
也此所以繩一時之變嗟夫正朔一事費
夫子議論久矣用縮用墨之說受圖立始

之說紛紛籍籍自漢儒固已信之傳世愈
久而聖人之意愈晦魏景初元年前有司奏
魏得也獨宜以建丑為正遂改是年三月
為孟夏唐天授四年始用正改十一月為
正月十二月為臘月夏正月為一月呀陋
哉唐固不足道也然尚有可羨者曰周之
子正猶本於陰陽之度也而魏獨何為者
哉季春三月而遷易為孟夏之四月作訛
咸易之序不立乎菟菑爾狩之事不素乎
然則舍將孰從曰曾經聖人手議論安敢
到

都以及郡國皆有學校科舉而王族之子
第曾不得與寒畯齒將以厚之也母乃祇
以爲簿手中與以來冠進士擢詞學舉童
子者往往出於宗英寧可謂無人乎或又
日前所擬皆商制也周之宗盟其若是乎
周制大抵乃商而并用之次又如嚴焉諸
君攷其德行道藝而進退之蓋有已入太
學而復退之者宿衛者號故士其新升試
士未得正爵者號新士蓋有已升諸司馬
而未遽爵者貴游子弟杜子春謂雖貴猶
學蓋有已貴而猶在子弟者三等未地王子
母弟之邑也而鄭氏禘中庸乃日尊重其
祿所以貴之而必授官守然則又有已祿

而不授以官守者今務從寬易以廣宗英
親商周孰為然邪諸君其深惟古義參酌
今制和與切磋商究之

重校鶴山先生大全文集卷之九十三

細雨斜風驅曉瘴
綽開坦坦長途膏
車抹馬問程初
梅梢迤候鷓鴣影
度平蕪行已下
論官小下簾
倚一問
撥粗只從厚
處作註規模
嚴多益一
星濂控功天
和蜀屬安
三峽打頭
吹回荆
行謾隨
遇頂更風
靜重
西以
觀
耳手
舞冰雲
掩映
天
巖峽我且
權鷗為
宜白鶴山
口則
湖
文

闌風長雨
江烟浦樹
如
松
聲
花
來
僧
隨
步

去山為吾有田塔第
 榲蘇成蔡士如獨後對尊勸醅
 多又記魯一里八肥瘦好語
 時聞憂端未歇何風四
 山安在也山舊知
 次韻西故凡
 王質金相長守
 隊隴霧范知我者希
 人耶彼二温目志
 子下相難
 芳宿絡端
 德既向靜
 到頭声具
 室對苦百冷
 只於印而
 春
 我同
 亡待

吳制置生日

世界要扶助人物香英
 今代有厓臣萬頃青胡佳
 事大付與斯人聳聳冠吏表表白雲鄉
 海沮岸城漢郅宅峨規甚妙處曾次
 納納幾滄贏未說令二紀先看武公百
 歲年與學俱新星百億隼天宇四時春
 和黃侍下見賜生
 萬里載浮名憶昔容下帝京
 如昨夢分明贏得存存夜氣清
 專城有罪旨誅尚簿刑細數富時同省士
 昔鄉落落韶陽獨九齡
 張致政生日

陽山安代
 陽山文集卷之九
 張

冬至子之半玉莞罇微陽臺中別有天地
轉竟日增長一樣金章紫服一樣朱顏綠
髮翁季儼相望我是修何行去已且方將
王生煙蘭競秀絲成行翁無他智只把
一念蒼蒼蒼蒼今日列城堯李也日八荒兩
露都是乃翁莊要教義方訓不說實家即
揚子有德輔母夫人生日
尚憶去年稱壽日絲衣猶帶天香今年還
元鴈成行兩頭娘子拜笑領伯仁觴知
是幾年培植底如今滿院芬芳只憑方寸
答蒼蒼春風來不斷點綴艷陽粧
婦生朝李倅同其女載酒為壽用
韻謝之

曾向君王說臣願守嘉州風流別乘初屆
元在越王樓湖上龜魚何事僑上鴈犀誰
使爭挽海山舟便遣舊姬姪解后作斯遊
晚風清初暑漲暮雲收公堂高會恍疑
僊女下羅浮好是中郎有女况是史君有
婦同對藕花洲擬把鶴山月換却鑑胡秋

張邛州師夔生日

腰看萬釘犀玉夸肘里斗大金章非閑性
分惣尋常要知真樂處絲服鬢毛倉浩
蕩春風生玉對蒸成滿院芬芳斗城無處
看韶光會歸天上去長捧伯仁觴
趙運判師芳生日四十一
有匪碧巖使滿腹鑑湖欲不居上界官府

來作散仙遊長佩高冠人備組練錦袍宮
貴清猷舊風流杓杓長多少沈盡蜀民愁
鷓鴣冠貂尾案鷺鷥靴時來正恐不免
留滯劍南州簾捲西州風雨庭筠百城歌
鼓飛李翠雲網誰謂蜀山遠只在殿山頭
張總領生日
家住義山趾暑風輕雙泉漱王五坡攢翠
坡上主人歸無計夢泛滄波清泚曾拜奏
前旒十二願上皇華將親去及翁兒未老
相扶曳乘欵段過問里壘書未報人相謂
倚西風胡塵漲野隱憂如蟬詭似東門賢
父子祇忍榮親樵耒待洗盡岷峨樵悴便
把手中長杓柄為八荒更作無邊施却上

表乞歸侍

管待李眉州歡酒
十載交盟可重尋賸於棠蔭細論心雲障
晚日供秋思風通荷書作晚陰紆勝引
豁塵襟未須紫馬去駸駸玻瓈無計留君
住但乞天公三日霧

管待李參政壁勸酒

落日下平楚秋色到方塘人間祥暑唯耐
獨有此清涼龍卷八荒霖雨鷓鴣十州風
露回薄木雲鄉欲識千里潤記取玉流芳
石簾衣江雞佩菱倚棠蔭中自有眼媚
何必錦名堂吸取玻瓈清漲喚起道遙舊
夢人物儼相望矯首望歸路三十六虛皇

陽山安代館二
陽山文集卷之九十四
張印

管待拂伯昌子讓勸酒
獨立西風裏無塵明河掛斗碧天如流
鷓鴣樓前迎風吹墮粟稷星使弄札札
機中巧思織就天孫雲錦段尚輕陰未閣
留纖翳親為恍天漢水等問富貴浮雲
似頃存留幾分清論護持元氣曾把古今
興亡事奏向前旒十二雖去國言猶在且
念我獨芳誰與共謾擬思一日如三歲夜
耿耿不皇寐

李提刑冲佐至生日

溽露浸秋色零雨濯湖弦做成特地風月
管履老臞仙雁落村間枉影魚識橋邊桂
杖藜澹境長偏祗恐未免耳驚擗日高眠

龍控節貂挿紫鹿銜韜於公元只餘事
所樂不存焉手拍藍田陣子無數塔庭成
對鬱鬱紫生烟富貴姑勿道宿問此何緣

王總領生日八月六日

輕露滄殘暑哉魄擬初弦天台萬八千丈
中有紫霞仙正哩中樞舊武却憶鄰環昨
夢重上蜀青天只守伯禽法駟野萬雲烟
錦川星郎位宿又移躔為無結輩十數
踏遍蜀山川人識紹興奉使家有顯謨科
約慧命得公傳從此造朝去兩地亦青氈

利路揚憲生日

歲歲為公壽着語不能新自公持節北去
我亦有遐征坐我碧瑤洞府被我石楠嘉

陰冰柱向人清待屈西風指王事有期程
我嘗聞由漢水達河津癡牛驂女會處
應有泥槎人便向漢川東畔直透銀河左
界去上白雲京袖有傳婚研我欲丐餘芬
送張總領
知年來參番拜疏但言歸去歸去問歸有
底忽忙事得恁陣情良苦天未許將花綬
藻衣為揮儀店羽掉頭不顧念白髮翁吳
本來天分不足折腰具從頭數多小蕙庭
箸組酒酒車馬成霧爭如祖帳東門外之
子縹緲高舉我眉下有幾許湖山無着春
風處留君不住但遠景樓前追陪杖履莫
志却別時語

和趙黎州

李參政

沙堤除道火成城換得午橋看寒色般添
酒今野芳抵當鈿羹
意肅思溪清誰記
時
中喜得間
平

李參政

生日十一月二十四日

曾記武林日歲上德星堂相君襟度夷雅
容我少年狂輦路升平風月禁陌清時鐘
鼓唯野嘯既送紫露觴回首十年事解石
衣本鄉古今夢元一撒漫下場紛紛問
較目興誰解誰方將霜落南山秋實風卷
北鄰夜燎世事正匆忙天意那可問只願

善人昌

進表黎州

曉色龍聰雲日澹綽開已坦長途西寧六

守問程初梅梢迎候騎柳樹困平蕪九折

印涉潭可事不妨叱馭先驅平豈是策

真無無摩迂事業細密銳功夫

妻大使丙生日

人物正寥闊有羨萬夫望二年填州方面

惟慙自金馬千尺玉龍街詔六尺寶勒照

路或績滿亦常富貴姑勿道难得此芬芳

嘗試看今古夢幾千場人情但較目睫

誰鮮識方將霜落南山秋實風卷北鄰夜

燎世事正忽忙海內知公者只願壽而感

上元放燈約束妓前燈火

怪見江鄉文物地輕豪爭逐春妍銀花斜

鞞紫金鞭千燈輝是淚一笑不論錢

歲遨頭窮相眼繁華不學常年只余底事

索人辨詩書真氣味農扈老風烟

次韻史少弼致政賦李參政壁西園

海棠

香風滿苑海棠又發去年枝月籠

更深後露滴燕支曉起時看不足

期霄紅罽角巾敬一春好處無多

子不分西園撥取歸

同日李提刑奎亦有詞因次韻

鄧踏可郊紅世界才知春意分明不須更

說錦官城香來遊治騎得得為渠停停到
驚眠人且去西軒苦欲留行直須醉飲到
參知不因歌白聖三日作狂醒

郡圃新開雲月胡約客試小舫

搢髮花枝燼那天氣一半春休未分真休

平湖新漲雅綠初抽等閒作箇扁舟使

都北湖光捲收世專元來都綠本百不在

他家

錢黃竹郎晴若勸酒

向江頭幾回凝望垂楊那畔舟總曠江神

似識東歸意故放一篙春水卻揔被三百

里人家祖張連天起且行且止便為汝遲

留三朝兩日如此只如此還須看世上

憂端如瑁一杆白黑燕子肥邊瘦腹都間

事畢竟到頭何似當此際要嘿識沈思一

着惺惺地目前誰是科當局諸公歛容縮

手日夜待公至

揚提刑子謨生日

有匪碧島更長珮奏琅球門前初暑才漲

一室淡於秋簾捲峩肩烟雨袖挾西川風

雲滿眼綠陰稠人物少然甚得似此風流

此何時公猶滯劍南州分明憂在日馳

只恁付悠悠未問人謀當否須信天生賢

哲不第等閒休努力崇明德巨浸要平舟

趙茶馬解舟生日

漢使來何許到如今天邊又是薰絃三度

見說山深人睡穩細雨自催茶戶向滴博
雲間看取料得權奇空卻後指浮雲萬里
追風去跨燕越珠秦楚不妨且為斯人
駐正年來憂端未歇壯懷誰吐頃刻陰晴
十萬態怎解網繆未雨算此事誰寬西顧
待洗岷峩悽愴氣為八荒更着深長慮間
兩社輔明主

鮮于安撫勸酒

固陵江上暮雲急一夜打頭風雨催送春
江艇上水笑指山歸去靴帽叢中漁樵席
上忽是安行處惟餘舊話為公今日拈取
見說家近岷山翠雲平楚萬古音如故
要把平生三萬軸喚取山靈分付廬阜高

高睢陽岳麓會與岷為伍及時須做彭黃邊
應未遲暮頰頰手性會及

生日謝寄居見任官歡酒三十一歲

怕年來年去漸雅志易華顛嘆夢裏青藜

間邊銀信望外朱轡十年竟成何事雖萬

鍾於我曷加焉海上潮生潮落山頭雲去

雲還人生天地兩儀間只住百來年今

三紀虛過七旬強半四帙看看當時只憂

未見恐如今見得又徒然夜靜花間明露

晚涼竹外晴烟

張揔領生日六月十八日

有美人兮招不至幾回凝佇應只為家山
自好不堪他顧忙裏抽頭真得計閒中袖

手看成趣念從前出處揔無心天分付
雲冉冉更吞吐泉汪活無朝暮與自家意
思一般容與月欵曉寒垂葉露風窓午睡
連山雨看蒼顏白髮雨間人摩今古

和李提刑 見貽生口韻

宇宙中間還獨突誰踈誰密正從容行處
山停川溢鍾鼎勒銘模物象山林賜路開
行筆要不如曾次抵熙熙無今昔 便百
中穿牙戟怕六鑿生虛室為尚香小仔旋
洪吟筆人事未須勞預慮天公渾不消余
力看雨餘雲捲約簾旌明紅日

送宇文侍郎 知漢州勸酒

尚憶都門袒張時重來動是十年期雲拖

暮雨留行色露挾秋涼入酒色 湖上馮
水邊犀末頂矯首嘆來遲北風滿地塵沙
暗宣室方勞丙夜思

李提刑 丑生日

秋意冷然對宇宙一尊相屬君看取都無
疑滯天機純熟水拍池塘鷓鴣聚露濃處
曉芝蘭馥笑何曾一事上眉頭繫心曲
與不茂 耻明王人更建白橫幅問人間底
處升沉 遲速氣壓晴宮虹半吐眼明平楚
雲相逐 但年年屈指問西風 萬新醪

次韻李參政 登朝陽閣落成

月落星稀露氣香烟銷日出曉光涼天東
扶木三千文一片丹心似許長 淇以北

揚州文氏節 鳴人集卷之九 十一 二 佳田

洛之陽買花移竹且迷藏九重闔闔開黃
道未信低回兩鬢霜

李參政壁生日

湖水平游與我意一般容與任多少雙鳧
采鴈落花飛絮盡冷雲寒煙外竹霜明日
索梅邊路怪天隨人意作陰晴無非數
方寸地圖書府老太史親分付况身名四
海未為不遇用舍行藏皆有命特來將相
還須做且閒中袖手閱時人摩今占

鄧序子生日

許時開力間跨散風月無人管自從陽律
一番新又把前回風月送西隣
貴非公願只願公身健更教剗活百來年

此老終須不枉在人間

任隆慶之母正月十一日生隆慶十

三日生日

無邊春色試從漢諭堂邊算見前上壽孫
扶掖九十娘娘身是五朝客
眼前富貴
渾間歷箇中真樂天然的兒孫強勸持餘
瀝娘道休休明日生日堂名漢諭

燕中戎進上歸自都城

古說士夫郡猶欠殿頭魁記曾分付公等
行矣勉之哉世事變碁無定甲子循還復
爾不爭且低回人物價自定萬事付街杯
試與公同握手春臺繁紅麗紫何限
轉首便塵埃欲識化工定處須向報秋時

節未用較先開付道屋簷發鄉相箇中卒

張靜甫之母夫人生日

天為西南分八使更分四道蕃臣爭如齒

宿絲木新親年開百歲又見子生孫

度平反供一笑無邊亮李皆春便歸天上

極恩榮為君圖壽母賦歸縮似壽更看太

夫人

叔母生日 釀螺翅翅 椒聊以效妻

遙想唐闈上壽長芝蘭正對儼成團問娘

昇昇修何行一梯都正及第兒 香淡池

日喜微兩頭娘子王東西一打更請諸孫

壽子舍新來恰上楮

某既賦小闕為叔母壽因復准念昔

者未嘗不得與打鵬之列今迎侍

不果又以簡言不克往侍缺然于

懷再遣小闕託諸兄代謝

記得年年阿奴綠 常在眼前絲柳吳天

錦輪蜀地悶盡山川 今年苦戀家園便

咫尺千山萬山但想用觴三劑對下叢桂

堂邊

次韻虞萬州剛簡以謂金門曲為叔

母壽

那復有氣味釀於春酒猶向故鄉懷印綬

相過何日又吐出心腸錦綉問我阿娘

依舊娘亦祝君如柏壽相看霜雪後

即席和李參政瑩白笑花清平樂

藍田王種為我酬清供香壓冰肌猶怕重
更情留仙羣捧看花羨情偏工舉花消
息方農此笑知誰領解無言獨倚東風

重校鶴山先生大全文集卷之二十四

來頗寄新作

雲萬州別簡生日用所惠詞韻

又向間邊着對滄江烟輕日淡雨疎雲薄
一片閒心無人會倚團團羊角便含瑟
鏗然而作客室中闕分明見暮鷗飛不
天空闊青山外斷霞未看來此意無今
昨都不論窮通得失鎮長和樂此道野之
彌入極卷却不盈一握但長把恨基恨拓
將相時來皆可做似君家祖烈彌閑洛東
國步整戎累

七夕之明日載酒李彭州墨家即席

賦

銀漢濯月金莖團露一日清於一日昨宵

雲雨暗河橋似剗地不如今夕
來查信
斷橋機人去誤了橋邊消息天孫問我巧
何如正為怕不曾陳乞

李彭州 至生日

促織誰遣汝唧唧不能休
莫不起觀四顧
河漢淡如油露下南山
蒼蒼野風沐西湖菱
芰客感浩煥尚此推不去
歲壽兩公侯
○自候歸間日月幾春秋
東方千騎何事
白首去為州會有葛公
青侶携上神仙宮
府王素侍前流却袖經
綸手歸伴赤松遊
王總卿 生日
自王家無怨住襄城世
總生賢似謝晉蘭
王馬庭梧竹一一堪憐
富貴閑人何事

問此何緣又踏前朝脚
領蜀山川
點檢
重開復閣尚牛棠
匝池喬木參天中
興規
畫父老至今傳六十年
山河未改只芳菲
不斷緊相聯相將又參
陪宰席遷似當年

別李參政 辟

此別情何限最閑情
一林醒石重湖賓
馬
幾度南樓携手上
十二闌干凭暖肯容我
擲前跡散底事
忽忽催人去
點西風別恨
千千萬萬截不斷
整仍亂
三千瞥忽如飛
電記從前心情
雙亮意詞交剗
千古繁蘇
登臨意人道於今
重見又分付
水流冰泮
滿腹餘疑今誰問
上牛頭淨拭乾坤
眼聊
爾耳恐不免

易... 卷之九十五

多少龍頭客數從前何宿不做清名難得
 萬里將旌歸報漢青鎖還應催當夕又一
 葉扁舟去因許史廬前車或霧未如公正
 怕雲霄逼留不及二三窻 一声千里樓
 前笛過天涯浮雲不斷傾長秋色試上層
 樓分明看無數水遙山碧問此意有誰曾
 識獨抱孤衷蒼莽外滿闕干都是長安日
 終有待佐皇極

和瞻叔元除夕

一年一度晉蘇酒老我驚多又明年豈是
 更無年已是靈過三十八年前 世間何
 物堪稱好家有班衣老相期他日早還歸

怕代瞻由出處不曾齊

劉左史光祖生日

岸容山意隨春好人在春風獨立立及間
 雲來又去目斷一天紅日豈不懷歸於焉
 信宿此意無人識只青鬢髮絲絲都為人
 白 風露正滿人間酌酌轉息渾不知南
 北要上南山披蒼蔚誰是同心相覓天運
 無窮事機難料只有儲才急願公壽考養
 成元祐人物

和劉左史光祖人日遊南山追和去

春詞韻

天公只解作豐年不相治遊天小队春旗
 不動行危晚突無煙 吟鬢熱劫寒爐撥

盡鴈自天邊與起主人失矣寒天依舊重
然松嶺嶺煙掃和驕抗臆危計琳而
元夕行登轎上賦洞庭春色呈劉左

史

花帽簷行寶釵梁畔還是上元看去年芳
草如今又綠當時皓月此夕仍圓節序驅
人人不解道歲歲年年都一般看承處有
燭龍照夜鐵鳳連天東風不知倦客又
吹向樓閣山巔任管弦鬧慶詩豪得志綺
羅香裏快少當權客與奚翁無一事但隨
俗簪花含笑看無限意更醉騎花影飽看
豐年

次韻劉左史光祖自和去年元夕詞

春漏逢懽恐不架銀花火四葉成林有中
和樂無窮味燭裏光明一寸心金馬朔
王堂尋風流文獻未如今連宵坐我東風
裏春蒲肝脾月蒲襟

劉左史光祖夫人生日

劉郎初度隨春到尚記綵衣春立又上夫
人千歲壽相望不曾旬日琴瑟儀刑山河
態度長是春風識都符和氣蒸成蒲院紅
白我被五紅陳三升官酒驅到鄭城
北解石相逢同一笑此會幾年難覓寶壘
燒春花光縮夜未放航籌急天然真樂儻
來知是苑物

同官載酒為叔母壽次韻為謝時自

童過逐

射共官酒元曾醉又六十八年重至長江
驛畔水如藍也應似向人重翠 人生豈
必高官貴顯長對詩書習氣陶家墨子作
賓筵有如不嘉賓也未如韞齠離松翻唯謝
船

叔母生日用許侍郎奕所和去歲詞
韻為謝

誰主誰為客嘆人生別離容易會逢難得
省戶高門十年夢瞥忽渾如昨夕風不定
亂雲飛急本自無心圖富貴也元知富貴
無緣逼且還我兔園策 誰知一曲柯亭
笛向天涯依然解台長安本色怪我河梁

今老眼已是有朱成碧但猶記黃裳曾識
多謝殷勤無以報願阿婆長健如今日送
公去上霄疑

和雲萬州 剛簡所惠叔母生日詞韻

人生一世如此元如此造化都從起時起
看庭前堯李弄藥開花還又看一度成陰
結子 毋壽親認取葉葉枝枝一氣分來
結成底更得故人書遺我新詞把寸心分
明旨仗信過眼浮華幾何時剗培植根心
等閒千歲

婦生日許侍郎奕載酒用韻為謝

曾記劉安雞犬誤隨屏竈登仙十年塵土
浣行纏怪見霞觴頻勸 會合元非擇地

平逢寧得非天婦聞風月正嬾娟親發床
頭酷面

叔母生日 劉左史光祖以余春時所

與為壽詞韻見貺復用韻謝之

夢中猶記來時路五馬踟躕攢立江北城

南春澹沲山嶺一天晴日伊軋征車徊徨

去意只有東風識如今遠在誰人伴我浮

白 戶外 曲陽春依然有脚來到萱堂

北不是奇情雙照亮肯寄鱗鴻相覓酒引

曹醉歌翻楚調觸撥歸心急醉魂持遠鷺

花世界風物

叔母生日

人道三十九歲暮日斜時兒今如許才覺

十九年非昨被玉山樓取今仗牛山院

仕役移不知疲自已未能信漫仕亦何為

○如何為應自歎不如歸問歸亦有何好

掌上絲成圍上下東岡南陌來往此鄰西

舍過地看兒啼富貴適然耳此樂幾人知

和費五九文 見惠生日韻

才歲騰身濟輦路秋月春風只作渾間度

手挾雷公驅電母袖中雙劍蛟龍舞 如

此壯心空浪許四十明朝恐把流年數又

過一番主日去壽觴羞對親朋舉

新亭落成約劉左史光祖和見惠生

日韻

又一番雨過倚閣炎威休支秋色前度劉

易安集卷之九十五 八

郎為故園一出黃髮絲絲赤心片片儼中
朝人物詩裏香山酒中六一花前康節
倦客才歸新亭恰就萱徑蔭濃菊林香發
尊酒相逢看露花風葉躍躍精神生生意
思入眼渾如滌更祝天公收口積潦放開
晴日又再故云

次韻李參政壁見貽生日

水花湖蕩翠連天記年年甚因緣聞鴨闌
干雲霧踏青妍人以風流唐太白披紫綺
卧青蓮如今別思浩如川欲騰騫隔風
煙月到天心人影在長編以有此身飛不
去翔鴈側狎鷗邊

和許侍郎奕韻

千里樓前客數從前幾般契分更誰同得
尚記流鸞催人去又見汾鷄當夕嘆天運
相煎何急幸自江山昔吾二被南薰吹信
還相逼臨大路控長策向來風月蘇家
官問天夢玉堂何似黃岡秋色萬事無心
隨處好風定一川澄碧步箇事非公誰識
我亦年來知此意但聰明不及於前日誰
為我指無極

賀劉左史光祖進職奉祠

許入才名知幾許功夫做得獨自殿三朝
耆舊歸然山立出處只從心打當去留不
管人忻戚抱孤衷脉脉倚秋風無人識
龍可養凡鱗匹鸞可摯几禽敵便翩然歸

作玉龍仙客拜上舉棋元不定磨邊旋璣
何曾息儻天公有意要平治須華髮

劉左史先祖別席和韻

一襟蒲貯梓城春笑聲頓筆揮銀自有江
山長是管將迎下似如今歸去客雲外步

水邊身蕭然今代傑魁人混光塵越精

神不把浮雲軒冕歸天真化洽堂邊應創
見人物舊榜顏新

約劉方史先祖謝會再和

如公何地不陽春往來頓醉傾銀聞道何

陽童揮正權迎移向德慶堂上着疑醒國

是前身行人還又送行人夜無塵對幸

神自古知心別語轉情貞須信人生歸去

好三徑舊四時新

又

西來紫馬倦行春上書頻闕排銀願聽臣

歸子舍更將迎又為老臣全晚節關教化

係臣身帝心終曠老成人想音塵倍留

神且把間風淡月與全真出處如公都有

數今古夢幾番新

同官酌酒相賀再和前韻

與君同醉梓州春不辭頻漏更銀尚記悔

時出郭喜相迎又對西風斟別酒雲過眼

月分身儻來官職不關人等微塵苦勞

神更向中間謾說假和真只有交朋閑分

義無久近與陳新

別許侍郎夾即席賦

公在壽官我已歸公來東蜀我居西及公
自豕移潼日正我由潼使遂時 如有礙
巧相違人生禁得幾分飛只祈彼此身長
健同處何曾有別離

許侍郎奕生日十月二十四日

記北人騎臺看龍首許仲元自擁節來歸
侍倚直上誰與爭先好官到頭做徹步兒
欠缺便徒然我愛慶元龍首當春不逐時
妍 人生天地兩儀間且任百來年數初
度庚寅未來甲子儘自寬間太平竟須公
等終不成造物謾生賢拓取面前路徑着
身常要平寬

東叔兄生日

去歲玉堂山下佳母旁後第前哥今年作
縣古松坡靜參茶酒間印馬頭陸
路更無山隔新春風跋馬經過不妨緩轡
儘婆娑願申賸別語長使得天多

小圃牡丹盛開舊朋畢至小園寓意

昨夕相逢煙苞沁綠月艷羞紅旭日生時
初春景裏大極光中 別季三日東風已
非復吳中阿蒙須信中間陰陽大造雨露
新功

叔母生日每歲兄弟多以技試莫遂

絲衣團樂之樂今歲復爾良以缺
然小詞寄五兄代勸

養得兒男百不中年年隨舉子踏春風作
辭僻元番壽觴疾院燕泥融將雛處長是
半西東移孝便為忠兒行雖在遠母心
同若將一念答天公歸來拜也勝橘雙紅
郎席次韻張太傅方為叔母生日賦
莫雨收塵馬薰風起籜龍夜涼人鎖武成
宮卻憶親旁壽餅薦油葱誰錫詩人類
應稀穎谷封兒行雖遠母心通觸撥今宵
夢逐絲雲東

瞻叔兄生日 五月三日

夢魂不踏正牙班直作五雲間簡編真樂
薰麈雅韻菽水清懷都將瞥忽榮華事
春夢恍雲看只期他日實頭受用大耐高

官

南叔兄生日用前韻
不居上界烈仙班梅隱寄幽間玉雲恍
玉珍雨衣惚是真惟必兄才譽居人上
鵬路正看看只祈兄弟以隨母健不愛高
官

次韻許侍郎奕為叔母生日

壽觴庭戶正柳明挑炫擬研江魚繪銀線
被春風吹入花錦城中惟有夢時到輕軒
翠憶歸來春已過奈柳成陰但喜庭闈
鎖強健更得故人書遺我魂詞應重記去
年相見望白鶴朱霞香難攀謾芳草如煙
青青河畔

又次韻為婦安八生日

夫子同年第太常偶然二內亦同鄉其間
更有真用處道義場中無別香
繡為陽不妨冬月作重陽家人但歡今年
會猶欠腰金與鞞黃
朝種人陽鞞棟也事

日所與為壽詞韻見貽至是始克
收母生日劉左史光祖以余正月十

再用韻謝之

彼美人兮不肯為時人粧束空自愛此窓

唾羨東隣醅熟不道有人成離索直教無

計分膏馥望鶴飛不到暮雲高闌干曲

駒在谷人金玉槃在陸人寬軸笑吾今何

苦耐司空辱應為噉噉鳥反哺真成落落

馳安足到梓州舊事上心來呼盃醪

重校鶴山先生大全文集卷之六十五

重校鶴山先生大全文集卷之九十六

錫山安國重刊

長短句

再和班字韻謝南叔兄見贈生日

北風不競帝師班雨足枯槁間且容湖使

靜中藏拙忙裏偷閒一揮果白終何若

未可目前看自量愚分不堪世用只稱田

字

生日謝同官六月八日

四十之年頭顛如此豈不自知正東家尼

父嘆無聞日鄰人孟子不動心時顧我未

能真自信筭三十九年渾是非隨祿仕便

加齊卿相於我何為人間鬱蒸難耐誰

借我五萬蒲葵上玉臺百尺天連野
樓千里江射晴暉此意分明誰與會但時
把筵筵和月吹吾歸矣有鷓相與和鶴自
由飛

送趙開州希異之官

東雨洗煩濁烈日霽威光逸人去作太守
旗志倍精芒莎外馬蹄香濕柳下墮陰晨
潤景氣踏蒼蒼夾道氣成霧我獨犯顏行
對顏行對尾酒點頭網請君醜此更伴
頃刻笑譚香爲問錦屏富貴孰與熙寧諫
議下占爵儀章世道正類靡此意慙毋忘
再用初八日頌謝通判運管以下
安石聲名買臣富貴我不敢知設揚舟汎

班浮漣隨水間門執執開闔從時滂日浮
蔡何與我只贏得一場閑是非誠知此問
不歸何待不飲胡爲 崑崙澗篁易老應
只能采菽烹葵看風沙漠漠未清紫羅煙
雲冉冉時露晴暉誰喚當年刈越石爲携
取胡笳樂月吹吾無用但寤言獨宿奮不
能飛

次韻東叔兄見貽生日

內貴何妨知我希芳蓀紐佩石蘭衣不教
塵外事雲壑誰向人間駕使駢 憂國夢
遶鬚鬪靜言思奮不能飛時因風雨思疇
昔嘆兩蘇公盍不歸
次韻高才鄉泰叔見貽生日因以爲

壽

桃李吹春晝松柏傲霜時春妍不必皆是
晚秀未為非書斧河邊瘴霧叱馭關前險
阻馬竭復人疲胡不効儕等趣取好官為
居之安于胥樂詠而歸擅裘鳩舌成市
書史儼相園月淡秋亭烽影日靜春齋
索未聽杜鵑啼美酒無深巷莫道不吾知
次韻劉左史光相和三月十八日詞

見貽生日

開漢江花落手中蒲門於案閣錦蒙戎與
人和氣樂融融應憐我留滯劔南東風
味兩文忠况如疇昔夜一搏同如今海內
幾劉公規天意猶在笑顏紅

為問消息

送趙監丞

赴利路提刑

西風吹信趣征鞍日高鴻雁寒稻梁啄盡
不留殘懷歸阿那邊無倚看只蒼犬將

心何處安長教子蒲人間猶令懷意寬

送客歸來道中再得數語

羈駒未撤客乘鞍征鞭催晚寒馬邊醒夢
角驚殘關山斜日邊未道地託恩天人

情久亦安轉移都在笑聲間鄙夫應也寬

茂叔兄生日

雲外群鴻逐稻梁獨乘下澤少游鄉赤心
片片為人忙俗事繁縷何日了自身活
計孰為長閉門書卷聖賢香

許侍郎奕主日

惠我田疇民水火春筍蜀東更山連
現長蛇隱霧紅移略約雖唯霓橫空
人外流蘇行席上公心事夕闌晨枕中
自苦甯無人識得只有天公天教百
如願也應是天眼惺惚看田間泥飲
明無夜打水濱廬處戶有朝春凝上
公堂稱兒爵酒未抵人間春意濃無
可願願城池亦與公壽無窮

李參政燮生日

宇宙大物掌握付諸人人心不滿方寸
坎北浩無垠或者寒蟬自比不爾禿犀貽
笑凝凝竟何成胡不引賢者相與共彌

未如何嘗試使問蒼昊四時迭起休謝

有屈豈無伸昨夜伶倫弄裏氣勝陰直

上陽德輿特新道長自今日特此慶生申

劉監丞之生日

西翁表裏玉無瑕渾足得天多一生受用
不完全家都補填他郎君心念和平處
似得十分家天何似最重重印字補補簪

西叔元生日

不肯呈身覺舉那能隨俗為官梅花寒
曉喜窓月一味漂陽酸梅裏無邊春事書
中千古選觀鄰翁不談清間樂驚見滿堂
歡

許侍郎奕碩人生口

無端嫁得龍頭客富貴長相迫雲深碧落
記驂鸞又逐東方千騎到人間 婦前百
拜兒稱壽李也參行酒最憐小女人慈生
約住兩頭娘子索新声

劉左史光祖之生正月十日李夫人

之生以十九日賦兩詞寄之

老眼靜中有知我其天紛紛得失了無關
花亦乾坤春世界着民中間 世念久闌
珊竈寓隨安人情猶白袞衣還我願時清
無一事儘使公閒
鶴外倚樓看雲颯晴天天高雞犬礙雲閑
掉臂雙仙留不徹還任人間 客佩振珊

子春暖玉生烟四首生處所更欲與周旋
一自歸來生處所已三年山頭白鶴候成
應訝久留連已作秋風歸夢忽逝春風消
息吹我着盧川安得旦歸去錦上飽耕眠

約匡漕使遇珠初筵勸酒

記幡然持節下青雲巴月幾成弦待竹枝
歌敬訟棠匝地靡草連天評尋當年舊夢
來使蜀東川人物寥寥甚禁許回旋 塊
我推擠不去向新官對舊後任如前與故
人飲酒月露寫明蠲 嘆書生康時無計謾
憂思時墮酒痕邊且只願早休兵甲長見
豐年

次韻費五十九人 題秋山閣有感

詩事

霞下天垂宇倚闌干月華都在大明生處
扶木元高三千丈不分間雲無數謾轉却
人間朝莫萬古興亡心一十以消消日夜
隨流注奈與世不同趣 齊封冀甸今何
許百年明欲招不住欲推不去間斷河泥
障海水未放游魚甫甫葉多少英雄塵土
挾客憑高西風外問舉頭還見南山否花
欄漫草蕃芳

次韻西叔兄訪王宣幹萬

夢隨瘦馬瘦晨理月銷弦無初眠宇宙平
寬着我一人間夢交批把香蒲飲應換我
駐行鸛鶴抵政剛雁聲掉許落晴川無

流年嘆區緣隨世功名未信果誰賢日斷
孤雲東北角離復合斷還連 懶懶練河
訪驪來台寄宿四 題吳回八 下夫

即席次韻南叔兄同親友錢王萬里

萬回宣幕 萬回宣幕 萬回宣幕

鬢霜盈挽歎易牧茶甌插梁衰索落日牛
羊晚雲鴻鴈傍地飛空無託故人困和雨
驚四父醉連雲酌醉夢未醒虎嘯川谷麇
驚拚薄 離別誰不惡心事同時都不論

離合眼底時幾臯端人物誰辨此征東畧

最隣世途局趣只道書生疎澗無可贈君

松陰庭院菊華離落 今 謝 謝 謝

即席次韻宋權縣昇約客 日 謝 謝

馬山文集卷之九十六

世道何常都一似水沉雲山歎自占燕中
盪寶楚山迷嘆老我如今觀變熟行藏語
嘿惟時適似蒼冥容得乘禽飛雙鳥集
花露曉松風夕經味永山光吸歷叢中考
第案頭月日物欲強時心節制才資弱處
書扶掖擬棕鞋桐帽了平生校簪烏
即席和李潼川重韻
青燕卧霜角月魄幾回或一聲雲鴈清叫
推枕賦歸來流水落花去路畫象棠陰陳
亦霄觀傍樓臺別憶入海龍愁色上田萊
記來時驚列缺走吳回人間都失已著
老婢亦驚猜馬曉風鞭袖孤蝶暮煙烽
折輝却挂坡杯不負此邦去突口也應開

約李潼川飲即席賦

昨夜嚴家集觀妙賦于霜斗融晴大乾坤
如許空闊着我兩人間醉帽三更月影別
袂一簾花氣語雋不知還一十年間事肝
肺寫明蠲記相逢一位昨兩經年風波
開處推出心膽至今寒也為故人飲酒也
念邦人懷舊始為駐征鞍未忍作離語留
待月華圓

賀李潼川重改知常德府

更盡一杯酒春近武陵源頭父老迎笑
人似老癯仙檢校露挑風葉問訊渚莎汀
卓點檢舊風煙世界要人柱公獨卧間邊
嘆從來分宇宙有山川主賓均是寄耳羸

得鬢毛班最苦中年相別更是人才難得
相勸且加餐歸為玉昆說時寄我平安

劉左史光祖生日慶八十

山嶽會元氣初度首王春扶持許大穹壤
全德付耆英一萬九千日力四百八旬甲

子釀此傑魁人王劍卧霜斗金鎖制手天高

○學宗別人氣脉國精神不應間處袖手

武與入經綸為落蟾溪感遇迢迢彭錢歲

月遠到紫園椿用舍閑時運一片老臣心

十五日司憲使觀燈馬上得數語

解右呈華並轡遊走隨世好學風流兒童

拍手攔街笑只是酸寒魏梓州一千炬

燭數聲謳不知白了幾人頭惺惚兩眼看

就人才端有意公今三祖差有偏輕偏重

幾番要公常把地容我老閒邊

茂叔兄生日

占斷人間富貴長秋應是長春前山推

月上簾旌緩觴學舊交句拍按新聲時

倚晴空看過鴈幾州明月閑情知君早已

倦青冥時來那得免事業一窓螢

送西叔兄之官成都

逢着公卿誰不道人才難得須認取天根

一點幾曾休息未問人間多少上一門男

子頭頭立只其間如許廣文君誰人識

冠蓋會漁樵席豪氣度清標格要安排穩

當講惟詞掖蜀泮堂堂元不惡猶嫌偏惠

天西壁囑公卿着眼看乾坤搜人物

劉左史光相生日

天生耆德占斷四時先春院落錦山川萬

家燈市明朱紫一庭花詠傍貂蟬婦承姑

翁抱息了差肩區區是文公開几快媪

作杖難訟慶陸續看武公踰九十從九九

到千千海風漫送天雞舞蟄雷未喚整龍

眠且從他歌緩緩鼓咽咽

人日南山約應提刑憇之

無邊春色人情苦向南山覓村村簫鼓家

家客初參新鷺來趁元正七翁前子後

綠扶藜內行買空囊耕織須知此意無今

昔曾得為人

上元馬上占呈應提刑憇之

運夕雨盈疇先為農家做麥秋更放牛頭

晴甲子知不應是天公及爾游隨事與

民求又與隨時驗樂憂民氣樂時天亦好

休休為爾簪花插蒲頭

過凌雲和張大博方水調歌頭

千古峨眉月照我別離杯故人中歲聚散

脉脉若為懷醉帽三更風雨別袂一簾山

色為放突肩開握手道舊故抵掌論人才

○山中人窻間婢亦驚猜江頭新漲催發

欲去重裴回世事絲絲蒲鬢歲月忽忽上

面渴夢跡生埃酒罷聽客去公赤賦歸來

張太博方送別壁津樓再賦即席和

揚州安氏甫

穢權漢嘉口更及渭城杯凌雲山色秋為
行客苦傷懷嶺出半天煙雨鎖定一川風
景未放客船開想見此樓上闕盡蜀人才
○山猿鶴江鷗鷺亦相猜酒酒日夜東江
全壁幾人回客亦莞然成笑多少醉生夢
死轉首認成埃信屈四時耳寒暑往還來

次韻黃叙州

蒲江紅

風引舟來恰趁得東樓嘉集正蒲眼轉紅
重碧照遙浮席更是姓黃人作守重新墨
妙亭遺跡對暮天疎雨話鄉情更籌急
嗟世眼迷未碧矜氣勢才呼吸彼蒸草安
在千年黃筆腐鼠那能鷓鳳赫怒蝸亦信
冥鵬翼與史君酌酒醉興亡繞今昔

次韻黃叙州

水調歌頭

煙雨歎江色江水大於杯蓬窗一枕霄夢
忽忽到無懷苦被江頭新漲推起天涯倦
客萬里片帆開收用到我輩天下豈無才
路漫漫行又止信還猜淵魚得失有分須
載月明回寄語鶴山親交若訪吾声花柳
為我掃煙埃去去黨無辱振袂早歸來

次韻黃叙州

巴綠亭

江黃山簇栢箭森如束蒲眼飛蓬濤亂知
幾歲未膏沐快意忽破竹一奩明翠玉
千古江山只廢人都道為君錄
生目前數日揚舟暫在酒見訪即
席次韻

風定波紋細，夜無塵雲迷。袖月流天位，
揮裔飛來江山鶴。猶作故鄉寒，吹清境裏
伴人無。轉應嘆余生，舟似死浪濤中。幾度
身常試書，有恨無氣從渠。俗耳追繁
吹撫空明一窻寒，簞對人如砥。夢倚銀河
天外立，雲露惺惺。蕭袂看多少，人間嘻戲
要話斯心，無分付路荒。岸還有親朋至，應
為我，倒壘洗。

李季允 皇約登鄂州南樓即席次韻

憐月上海樓，月已半雲。夫莫照我，眉最上
峯。同在峯前住，東望極青齊。西顧窮商
許，酒到憂邊，忽未知。猶認胡床處，
李季允 皇同總漕載酒 湖相送即

席冉和

能得幾時留，王事催人去。翠蕩涵空酒，蒲
缸苦要留人住。身世兩悠悠，飄泊知何
許。但得心親志合，時都是相逢處。

李季允 曾為白美築賦卜筮子至是

久早得雨借前韻有賦

風雨蒲空霏，穩得江山妙。先出湖光鏡，似
明不受縹塵宛。心事竟堪憑，天意真難
料。呼吸豐年，須刻間也。合軒渠笑
次韻西叔詹叔兄嘉甫弟惠生日詞
昨夢鶴山去，風景逐時新。藕花拍蒲攔，
松竹被池頻。及日兄，酥弟酪，觸處言鯖義
牒相對，六翁卿。嗚翔夢覺，帝鄉遠有酒為

誰傾 心飛來天外句夢中人自憐何事
疆把棄鹿畏朝紳曲攤懶認明結坐看九
衢車馬舞策長安日月擔閣太玄經只說
來時節金氣已高明

孫靖州應龍生日 八月八日

恰秋光四十箕斗外月初弦笑殘頰平蕪
寒城小市掌許山川半生夢魂不到與君
候歲歲此周旋鞍馬空銷髀肉幾年未換
貂蟬 人生天地兩儀間須住百餘年數
重卦三三後天八八來日千千面前路頭
儘欄夜規模運量十分寬官職終還分定
兒孫也弄心傳

又孫靖州應龍生日

九十九峯下百二十年州西風吹起客夢
月滿驛南樓影入天河左界辰在壽星向
卜還是去年秋要和木蘭曲載酒壽君侯
○天邊信雲外步去難留壽觴庭院依舊
已帶別離愁離合鍾情未免行止閑人何
事浪白世間頭將相時來作身徒百無憂

范靖州良輔生日 十月一日

猶託端門外鞭袖五更寒一聲天上鍾拚
金鎖掣手重闌右向紫宸上閣我侍玉皇香
案都號舍人班夢覺帝鄉遠相對兩蒼顏
○玉圍腰金繫肘繡籠鞵鄉人衮衮叢近
五馬度荆山收拾五湖氣度卷東蟠曾兵
甲春意滿人問天錫公純嘏氣象自平寬

靖州江通判員生日

日上牛頭度歲辰黃鍾吹籥煦乾坤
弦歌堂上三秣壽風月亭前又有君
人似舊景長新明朝六桂侍雙椿
蠻邦父老驚魯見得似君家別有春

和虞督惠生日

月上南箕還認得去年星曆知誰把一天
星象盪摩朝昔若使平生渾自棄如今老
大何差及更年來偏得飽工夫蹉跎力
溪障礙蠻烟隔穹壤斷江山窄縱燕巾盪
寶楚山囚玉小小窮通都未問忍聞同氣
相煎急誦雲郎百字短長詩憂何極

范靖州良補生日
計明交二十日

誰把瓚璣運化工參旗又挂玉梅東
三三律喧聲餘亥九九玄經卦起中
新歲月

舊游從一觴還似去年冬
人間事會無終極分付翹閑老令公
躋吟松武峯翹閑

江通判員生日

東窻五老峯前月南窻九疊巖前雪
排侍郎山着君窻戶閒
離騷鄉裏住恰記庚寅度挹取芷蘭芳
酌君千歲觴

綿州表兄生日
紹統

被東風吹送都看盡蜀三川向涪水西來
東山石去劔閣南旋家家露餐風宿數旬
間渾不見炊煙踏遍王孫草時眼明帝子
城邊萬家赤子日高眠絲管夜喧闐自

梓遂而東岷峩向裏漢益從前人人里歌
塗詠頭君侯長與作蕃宣我願時清無事
早歸相伴華顛

榮州表兄生日

幸有天遮蔽為西南空虛一面挺生男子
塞下將軍支願卧夜羊攬衣推起帟十萬
胡人如洗見說巴山稍馬退也都因糧運
如沉水劍以北一人耳十年夢斷斜陽
外恰歸來昌蒲蘸酒祝兄千歲入從出藩
誰不是誰是難兄難弟正樂意融融木已
莫趣東方千騎去願時平華皓長相對間
富貴只如此

高嘉定生日和所惠韻

高氏八千石駟哄溢街坊庸夫俗子誇道
錦繡累家鄉誰識書生心事各要齊時行
已肯顧利名場用我吾所欲不用亦何傷
漢嘉守九閣歷幾麾幢便教入符出節都
是分之常但願國安人壽更只事城也好
不用較疆梁準擬耆英會倚杖看人忙

送蔣成父公頌

風雪錮迂客閉戶緊紫頭一聲門外剝琢
客有從子游直自離騷困裏行到林間鶴
詠歸羣畔萬里入雙眸世態隨炎去此意
澹於秋感畢逋懷結鞠詠夫不礙馳驅
戰尋師學道雖樂吾母有離憂歲晚巫雲
峽雨春日楚烟相月詩思蒲歸舟來日重

過我應記火西流
麟趾數云
擬錫
瞻
鑿
散

高嘉定生日
秦

記年時三星明
處尊前
攜手相語
家山幸
有瓜和羊
何苦投身
官府誰知道
尚隨逐
風華為蜀分
南土依前
庶取便
捲卻旌麾
提將繡斧
天口突應許
逢初度
從頭要
為君數
伯君驚
落前著
天東扶木
三千交
不照閑河
煙雨誰
砥柱想
造物生才
肯恁
無分付
九州風
露待公
等歸來
為清天步
容我賦
歸去

上巳和黃少之類

尚記春歸日
錦繡
下
地
蘇
日
取
西
六

水認故鄉
飛魚鳥
自悲自
躍紅
空
○是何年
修楔事
暢幽情
競傳
兀已
天氣
別是一
般清便
引鄭郊
漆
道
五門
折
泗大道
掌如平
待稅
迷津者
都向此
中行

中秋

暫露濯秋風
新樓挿
太空更
遭逢
解事天
公為喚
羲和驅
六馬
將呆日
掛簾
權
影正沈
紅須更
月在東
百萬家
樂意
融
融
民意樂
時天亦
好聊與
衆一尊
同

別吳毅夫
趙仲權
史敏叔
朱擇善

朔雪上
征衣
春風送
客歸
萬揚
華
數點
榴
枝
春事無
多天
不管
教爛
熳
任
離
披
開

謝本同機榮枯自一時弄天公不遣春知

但得容容生意在隨冷煖頓芳菲

堪怪兩外府使傳載朝纓雖云身在江表

都說漢公卿莫是才堪世用莫是有人吹

送中外爾聯榮天運自消息龍蟻不閑情

更尋思誰得失孰虧成潛魚要向深渺

猶恐太分明且願時清無事長把書生閣

東歸踐對來盟強似抗塵俗歲歲上陪京

建康留守陳何書講生日

天地一大物扶植要人才人才誰是不肯

隨俗強進陪與我言考我願莫我知考誰

恁全仗帝為媒此意久寥闊今見者留臺

○笏圖腰書胸犀騎籠街時賢白盡鬚髮

老子抑名齋更取堂名其綠要把北山萬

竹一日倚雲裁自處只如此將相任時來

淮西總領蔡少卿範生日

人物盛乾淳東嘉最得人費江山幾許精

神我已後時猶備識君子子又相親秋

入塞垣新風寒上醉痕萬百般倚靠蒼旻

只願諸賢長壽健容老我着間身

中秋新河

正秋陰盛處忽盪起一冰輪甚漢魏從前

才人勝士斷簡殘文都無一詞賞詭更擬

將美色似非倫此意誰能領會自誇光景

長新得陰多處倍精神俗眼轉增明向

大第高樓癡兒騃女脆竹繁烟此心到頭
未穩莫古人真不及今人坐看兩儀消長
靜觀千古流淳

偶書

被西風吹不斷新愁吾歸欲安歸望素雲
蒼憺蜀山渺濛楚澤平漪鴻雁依人正急
不柰稻梁稀獨立蒼茫外數遍羣飛
多少曹符氣勢只數舟浮蒂一局枯棊更
元顏何事花玉困重圍籌暇前未知誰持
恃蒼天終古限華夷還須念人謀如舊天
意難知

重校鶴山先生大全文集卷之九十六

重校鶴山先生大全文集卷之九十七

錫山安國重刊

歌行

送張總鄉金護餉益昌

陳陳之粟誇西都長旗一搥掃地無利民
肌血事軍賦天平生此桑大夫有唐藩方
既旅拒中朝獨仰江淮租士安雖善操低
昂弘羊百世仍同塗要知元和國計籌不
以末世供軍圖人間遺利或盡取天下大
本須持扶餉臺今後張省主孺道註劔建置
不用新規模但云宅家本忠厚當為已責
寬宿逋操觚數草便民奏不用逋瘡及寧
霄只將常賦供調度澤中有水民其蘇八

十餘年久胡虜有弓未弛仍張舒軍儲粒
粒皆汗禾植根雖固憂其枯矧今兩甕方
血鬪坐使叢鷗爲吾歐守邊但用平平策
主計不須急急符苔封木牛卧流馬塞南
塞北無單于安西相君坐事闡與公解國
心腸敦智名勇功不挂眼男粟女布思其
余正皇正用富民相當見二公對府持鈞

南閣行

北城之陽有南閣李家石林丈人作上有
儲皇資善顏下有先世淳熙脚前瞻平遠
後闡閣左揖墓順右龍鶴丙丁架上書衡
從甲乙檻前石參錯有時晨策披氤氳九

萬帝青闥簾幕有時夜几憑沉寥海牛挂
空月爲箔漉漉曹市声不我即淡沲春風無
處着斯干秩秩兄弟好伐木丁丁友朋樂
我亦時爲未至賓尊前往往往追酬酢主人
挽我觀南山南山分明在天角豈不陪朝
濟浮雲翳林簿浮雲白衣蒼狗耳須臾變
態山自若置之姑勿道願言細商略試觀
天地之最中坎北離南儼成列人以一心
位兩間取象爲離豈徒設譬如南方萬物
皆相見又如日中纖微靡不昭亭亭當當
亦綽綽遠看鳧魚近夫婦仰觀宇宙俯今
昨隨事炯然存旦晝敢金鑠主人聞此笑
而興謂我此言亦觀喙次成古歌行聊當

南閣說

山河嘆送刘左史光祖歸簡州
山河兩戒南北分天地一氣華戎鈞鑿諸
指播非害事往往四躰為不信惟今醜虜
相擎吞人言雪恥茲其辰盍驅在卞刺鬪禿
又喉盧狠擒狡魏天王仁愛兼南北猶
遣外勺蘇窮鱗諸公亦復創前諍閉戶不
肯顧國鄰流移降附莫皇卹斬艾驅迫如
窮甯誰知炎炎將及我事躰不與開禧倫
竟因示弱啓狄侮羽書赤白驚嚴宸
天王坐朝色不怡我非爾畏民吾民急從
雨中徹桑土更向火後移突薪大官亦復
變前說羣而和者非一人制書丁寧示

招納符檄旁午申拊循臣某拜作奉詔移

江介臣某拜作董師留漢濱西南憂顛誰

其寬即授臣某居一謝留川秦土何廷論忽

中變復議保境思和親迅雷烈風僅翻覆

明虹霽日俄遂巡敵人椰榆膽滿幹志士

憤鬱齒穿齧東由海泗盡襄漢西起梁沔

連房均暴骸喋血敵原谷奪險因粮空窖

困將軍憂恚或自斃列校偃蹇不可馴縣

徵更賦不遺筭群空少府無餘緡寇頭校

兵甫屬耳公私已屈憂方新靜惟人事百

用一恃以亡恐惟蒼旻蒼旻莽莽若為

度但見咎異來相因連年夏旱天無雲江

淮湖斫田生塵飛蝗非空如羽陣雉類猥

衆何誑誑楚南山萃陵谷異后十砢砢如
轉輪春秋二百四十載地震繞五茲何頻
去年南復告旱編以牲幣走百神太陽朔
蝕我無光金星晝見亦累旬漢沔沸騰地
移軸涪潼盜盜濤翻銀星文屢變台符圻
陰象較著陽德屯外爲兵戈爲裔夷內爲
宮壺爲群臣天心渝怒有如此猶以譴
告施其仁懼而修政庶可弭恬不知警特
仍臻且如前年旱蝗日開道求諫效明綸
庭中不鳴自如故猶有下位人姓陳內言
椒房之姪令外及丞相之狎賓能如章向
觸權忌不効欽求攻上身同時六館之髦
彥陳義固爭尤肥脫貌如無聞亦異已宰

士忿疾丞相噴彼唐畋鐸何物耳詞鄙意
佞如吠狺外省胡獨行其言公然賤玉而
貴晉日時厥後懲劇過絕言路忘諮詢直
臣久矣甚棄便公道不迪隨荒榛嘗居丞
疑轉猜忌稍負望實尤沈淪人心所同即
天意四方蹙蹙天亦響公今掉頭不肯住
携家歸踏西園春大賢與國同休戚寧忍
赤子方嘖呻我非荷蕢不知磬擬効執輿
來問津請賦白駒之卒章願公飲酒車無
中

致語

燕新利路李運使

元都觀稟飛千樹久懷旣去之思房相湖

邊鷓一羣復動重來之喜占星有爛披霧
為榮恭惟都運龍圖雅量鎮浮高標邁俗
遠考世家之譜潛葉裳裳近稽昆友之原
悚華韡韡粵齊煦仕藹著休聲尚展著省
之游游顯華城之寄十州之卉服未泯
謳歌九折既之嘗陰惟公東征在即
北去胡為是時用歸踐惟公正廉
明之譽人車濟朝官職殘困弊之餘迺煩
霄月使先聲攸發均知府校書既忝
葭又同桑梓偶此分符之末幾屬聞濡
纒之來臨不及陪臨叩諸公爭從門下以
獻酒向能以廣漢太守借縣令而先驅舜
琴等幸觀光華獲居卑未聊陳韻語用贊

華筵

口號

恹底梅花破曉前祗因春色到湖邊虹飛
雲錦看華纓贈縷華絲秩玳筵今日房園
供解后明朝漢省接馨妍一觴遮莫霜天
曉梅角聲中更少延

燕孫節推

考辛未科之日粵唯文懿之賢由甲子
三周而來又見聞孫之盛豈惟士大夫部
有此鮮儷蓋凡儒家者流指於榮觀工歌
鳴鹿之三燕舉嘉魚之什恭惟某官書樓
名胃山學故家人稱諸孫之孫世謂君子
之子行誼藹然於大學名聲籍甚於諸公

十年不出都城未嘗宿許史廬而入全張
 館一朝遂擅天下殆將摩屈賈壘而短曹
 劉壻中河陽處士盧佐西川節度府雖負
 陸侯之寶劍喜扶潘母之輕軒將不待於
 外庸便入躋於中秘毛女峯前尋舊約紫
 螯禁裡看重遊知郡校書向來投分於儒
 庠今者託交於仁里第二舉狀元及第真
 不輸胡旦之籌十三名進士登科敢謂傳
 和凝之鉢詹階符之兩兩慶前後之三三
 仰贊華筵可無韻語

口號

身是書樓東春孫老仙况復種仙根高科
 恰是承先獨盛事還應表里門堂上承顏
 情最樂窓前草制夢猶存看鞭且何長安
 道春色如今紫詔温

重校鶴山先生大全文集卷之九十七

重校鶴山先生大全文集卷之九十八

錫山安國重刊

祝文

導善觀人日祈雨

踰時不雨深憂宿麥之傷靡神弗宗尚歛
祈年之望循愆陽之示異緊譎政之爽中
新年換故年涉春已久元日至人日常燠
有加方茲顧事之初惕若未芻之託亟修
玉薦仰托穹崇伏望興雨其濛大慰來甦
之望多稼且碩用資終歲之勤

焚黃告先墓文

嗚呼子不天不逮事厥父母亦惟衣厥父
事以無敢失隊歲已未猥以薄技濫齒峻

甲該龍飛恩視進士第一人躡昇京秩越
四年癸亥以國子正造朝明年爲武學博
士又明年召試賓館六月以實歷奏前學
官減年遂得陞朝又明年九月上祀明
堂同休諸臣某時由校書郎出守漢嘉既
陛辭猶以官簿得贈考承事郎姚孺人今
年始克還墓下以命書之副告吁何及矣
弗可贖也矣不孽不令豈其自致實繫我
先世克績我家遺我後人休其不肖嗣特
蒙積行之成以不隕其世以奉而致之於
我考姚焉耳矣雖然亦尚有可勉者旣受
敬身之期無忝以庶幾顯揚萬一以對揚
天子之寵靈則今其未死統斯揚斯圖惟

酬斯惟神之鑒斯

焚黃告揚孺人墓文

嗚呼君棄子而死今五年矣而墓之木樅
樅其陰君死之年之冬余造朝明年甲子
九月二十六日女璧海亦不幸以病死于
臨安之官舍矣恍昔懼之猶夢慨響象之
滋邈弗可追也矣又明年六月余始以實
歷奏學官減年得陞朝又明年九月上祀
明堂敷祭澤於時校書郎出守漢嘉已陛
辭猶以官簿得贈考姚孺人初品
封今年始克還墓下奠命書之副以告吁
穀不受祿死而飾窆何嗟及矣尚其有知
以服天子之休命

祭先墓文

其治郡亡狀誤叨恩除司臬東梓嘗申審
朝廷待報解即會憲漕空官制司速令上
事遂於前月之晦上肩山印綬涓十月之
望祗服司存敢具所以黍藿告謝于祠下
靜惟庸靈荐更中外夷然報效亦既苟免
今委寄日劇張張手未
知所以將厚望
稱隆指者惟神尚陰相之母俾瘵敗而作
神羞

代鄉人祭周孔祝文

古之士未嘗無求也而求其有益於得未
嘗不欲仕也而任惡不由其道於樂皇家
尚倣周制三歲大比興其賢能承學之士

服先聖之訓有年矣干求于仕未之能忘
而無益於得無由其道則所不敢用修明
薦以自歸於斯文之宗惟王尚終相之沆
用有濟

梓潼廟祝文

某邛之鄙人也早緣未技蓋齒峻甲佐西
川節度府召官學省賜對禁林愚慙淺中
輕沮邊議少取忤時好蓬山未幾力陳詭
郡冀便將親一遠關廷八移歲增三辭聘
召再玷便麾推本所天已不待養尚冀有
以慰母心也而繆政致異郡人遊觀死傷
橫道遂使素嘗臨城者得少其心焉尚賴
寬恩僅從講竟曾未半載即察前誣亟頌

祠京維還舊扶復界左符砂命初頌申詔
趣上歌惟黍胃寔惟我有神是報是祐敢
不知自而鄙大人微末知所以稱隆指者
惟神聰明正直未莫西土祝釐穰沴咸克
顧享是用圭薦以希靈右匪釐敢祝惟沴
寔穰神鑒之哉

先聖祝文

某已試周切困分久棄取圖誤東界守江
鄉死命初頌申詔趣上以未信之學冒承
劇寄敢車傷錦稟平未知做免獨惟敬信
節愛聖有明訓敢不夙夜究匱以期無負
惟聖實鑒之未穰耘竭難行瞻仁睎毓
拱之勤之无懼

戴英堂釋菜文

維士大夫郡遠有自來爰饗國朝風烈彌
邵奠祀于學厥存彛章而象設渙然顧瞻
岡一迺徂史牒耶乘家言室于東廂列繪
惟肖翼翼其序後先以時茲考厥成敬用
舍菜告于先聖先師神保如在是饗是皇
啓佑後知其永無斁

謂蘇文公祠祝文

肩甕士大夫郡 聖天子不以某不肖貧
守茲土其在境內凡百辟卿士有益於民
者夙夜承祀無忒矧惟山川炳靈世載蘇
氏一翁二季先後相望文章事業在太使
氏之典策今居郡蒲歲顧歲時奉嘗闕然

弗講殆非所以厲賢崇化律我有民也用
修圭薦展于宰下以內翰太師文忠公黃
門文定公從祀既齊既稷神保攸歆敢不
求與多士承繹斯文以毋忘德

祈晴

積陰為沴每深害稼之憂下民其咨尚缺
祈年之願原乖氣之致異繫繆政之爽中
方茲頤事之初惕若求芻之託亟修圭薦
仰致宗祈伏望帝靈居歆神聽來假杲杲
出日式蠲常雨之愆厭厭其苗俯慰大田
之望

謝晴十月六日

噫噫其陰久缺大田之望杲杲出日為蠲

常雨之愆既皂既望是刈是獲錫之多稼
既荷神釐貽我來甦敢邀終惠

祈雨二月二十八日

春膏動陸期首種之向榮常燠爽中尚貽
楚之缺望既非下民之罪亦豈上帝之心
惟守吏之弗虔乃愆陽之示譴敢修圭薦
仰冀惠寧伏望興雨其蒙悉慰大田之望
多稼且碩用資終歲之勤

社稷及諸廟祈雨

維莫之春常暢為沴時雨久曠土膏弗滋
若吏之弗虔政有關繆以干陰陽之和則
罰止厥躬元元何辜罹此菑曠敢修明薦
以冀惠寧黨賴神休享嘉澤俾物無疵

廣楚麥以登則由吏若民咸永有嘉賴

謝雨

厥罰常賜慄農疇之告瘁以祈其雨與雲漢之惠寧果蒙顧諟之仁亟霑涵濡之澤錫之多稼貽我來楚物無疵癘之憂民有豐穰之望用伸報謝仍露懇祈惟靈造之鑒觀悼民生之不易念一人耕而百人食振占如茲使十日雨而五日風自今以始終承嘉惠迄用康年

寺觀祈雨

南訛紀候斯穡事之向榮旱暵為苗慄農疇之告瘁既非下民之罪亦豈上帝之心惟吏守之弗虔乃常賜之示譴敢修圭薦

孔力惟神鑒誤克麻千人勞所重陰顯行罷口既諧多稼爰啓來年織婦耕男居民行商忻忻衍衍咸荷神况吏實亡狀神罔恫怨不惠之罰而俾蒙成敢率厥僚肅恭以謝惟神實保右之

射洪縣截江告射洪神文

射洪瀕江為縣比歲水失故道岸屢崩官寺民廬壓覆是懼徙避無所某自春徂秋三過其上躬為相攸念非疏鑿故道以順水性遏截新流以除永患則歲一興築抗民之精而患固自若也民懼昏墊莫有固志殆猶行邁靡所止戾今不知援而止之是已弱之也於是物土憲材屬役賦文遊教

事之吏以督工作合一府之年幣以給丁庸隨山濤川使故道既通然後架筠建石以捍新流或謂其迂或哂其愚亦惟拯民足問消功殫賄不違恤也吉日丁亥尤事云始惟我有神奠祀茲土敢用圭薦以告事期惟神右之俾勿壞

春祈祝文

載夏載祚首重春祈敢迪彝章式陳明薦儻賴神况五風一雨靡有愆戾使物無疵厲年穀順成則嘉與千里之民敢忘昭報惟神乞保右之

社稷壇祈雨

自冬徂春雨暘燠寒感罔不時土膏用滋

首種既入乃旬有四日陽驕肆便以害于垂成人情皇皇靡所馮依職吏之愆民則何罪惟邦有社實司我民是用敬共以祈耳澤沛然來下咸俾昭蘇儻穡事齊登物無疵癘則若民若吏祗荷休德其永永無斃

社稷壇謝雨

頃以常暘為沴穡事告傷于社于方以祈甘雨滂沱來下物意昭蘇吏貴以寬人情胥悅敢帥寮吏敬謝神貺惟神尚終相之

祭江神文

維郡類江地居下濕常陰未解江水橫流民墜塗泥罔知依舍吏則有罪民其何辜

維我有神實宅茲土過絕汎濫割剝重陰
使民猶奠居吏逃曠責則荷神之賜寧有
弭忘

又

間以水珍禱于明神神保居歆江流湍
降丘宅土甫奠厥居乃甲申之夕漲潦暴
至厥明乙丑黜雲如也向日霾曠雨亘晨
夜江溢常流民情皇皇宵寤晝訛惟懼墊
溺之復不免也吏實亡狀神惠之罰則止
厥躬元元何辜大命迄止敢以柔毛剛鬣
制幣量齊申寓禱祈儻水平其壑民得平
土而居則所不與邦人德神之惠者有如
大江

祭周孔文

竊惟成周令典造士以詩書禮樂與賢以
德行道藝而吾先聖先師之訓亦以溫良
恭儉為求之見聞言行為祿以仁義忠信
為爵諸生服是明訓亦既有年應聘云初
敢述所聞以自歸於斯文之宗惟神尚終
相之

代鄉人告靈應神文

昔先王肅恭明神教民昭事祈報之無忘
本始雖坊農表畷之蜡門行戶竈之享伯
侯祖彝之靈有德于民則無不宗也矧惟
大神令德孝恭奠祀坤倪士之德爵神實
司之應聘云初敢用祗適舊典恭祀于我

有神尚無忘本始之薦庶綏靈顧襲于休
祥

代鄉人祭靈應廟文

維我有神世篤忠孝承寧帝命陰隲斯文
維我有士追通本始寅念于祀用或不虔
矧茲靈辰揆度云始敢修祀物祗薦精純
尚其來娛崇降多福

靈惠廟祈雨

維莫之春嘉生動陸雖時雨之數下尚土
膏之弗茲人情嗷嗷靡所底告敢用牲醴
以告于我有神庶幾顧歆大濡嘉澤終惠
多稼迄成康年則荷神之休曷維其已
天慶觀祈雨

三陽動陸正宿麥之方興一雨愆期懼土
膏之未奮矧惟蜀左介在山坳地廣而民
稀田硠而功倍冬深未雪歲首尚暘又念
陰陽之或乖亦將疾疢之不免用修圭薦
亟控宗祈惟冀霽潤澤於羣生散之靈霖
變札瘥為和氣襲于休祥

社稷壇祈雨

某自祗厥官荷神之休雨澤存至首種既
入乃夾辰之間陽驕弗戢以害于垂成人
情皇皇易喜為憂靡所馮依職吏之愆民
則何罪惟邦有社實司我民是用敬共以
祈終惠儻沛然下雨咸俾昭蘇穡事齊登
物無疵癘則若民若吏祗荷神保其永永

無敢謹以制幣清酌脯醢明薦于社神稷
神社神以后土勾龍氏稷神以后稷氏配
神作主

靈惠廟生辰祝文

我有民人我神祐之我有田疇我神雨之
時裡歲祀我儀主之誕彌厥旦民民赴之
享有舊典我儀舉之無腆具脩伸母生之

靈應廟神父生日祭文

維我有神世篤忠孝是生哲嗣陰隲斯文
惟我有士追適本始寅念于祀罔或不虔
維仲之春際度云始敢修祀物祗薦精裡
尚其來娛茂我有士時厥絕嘏襲于休祥
祭靈應神文

凍閉不密雷出非時敢併以告神其來娛道
迎時和推廣德意雨我大田以開嗣歲

社稷諸廟禱雨

自冬愆陽雨雪未應于方于社靡神不辜
神不我答而屯其膏神其聰明則降罰于
吏躬毋使我民飢而死也敢率僚吏躋躬
俟命神鑒之哉

周程三先生賜謚舍菜祝文

嗚呼大道湮阨千五百年人安於時君之
化士習於世儒之言清壺即明理之極詞
華即閒代之賢富貴即稽古之力功利即
用世之權大哉人乎戎位兩間蓋鬼神之
會而五行之端天命我作天明我先人之

大也氣命於德則日星山川事感於證則
雨暘燠寒天且不違而過其躬者乃若是
之顛顛微吾周子首發其秘二程張子親
得其傳知幾於屈信動靜之感觀生於性
命理氣之源明一本以示人則亦惡睹夫
我生之全奉常易三子之名曰純曰正而
首以元雖出於一介外臣之請而人不咎
其僭且專信道之將行而文之未喪在天
非人力之能爾乃是心之同然敢繪德容
于學東偏併以命書之三勒于牲石之前
無腆幣醴告神揭虔明中子之謚則嗣有
請焉嗚呼凡我受學之士疇敢不祗治理
所關

告先墓文 紹定五年

某猥由愚戇自速罪辜偶被誤恩放歸田
里盡還職秩申昇真祠脫命讒波挺身寇
焰十年于外一日生還職是僥踰繫神之
荒敢共酒幣悉帥妻孥展墓告衷神其歆
止

告楊冢人墓文

嘉泰三年夏君以疾卒是年秋卜何村之
癸山以葬今三十年矣而陰陽者家流多
言其不利凶冥雖異情則一致竊計九原
有知亦不能即安于此士也用改卜茅林
先墓之側得乾山之原爰以今辰啓擴舉
柩徙於新兆之廬越七日甲申即窆謹以

清酌庶羞陳于墓前

社稷壇祈雨

劔之南東土磻曰下十日不雨四民瞽瞍矧時朱璋陽冷弗戢職吏為孽繫民何辜民生所資于社于稷謹率僚吏敢共幣辭神其來娛雨我多稼瞻仰以俟降假是期

諸廟禱雨

劔之南東土磻田下十日不雨四民瞽瞍矧時朱明陽冷弗戢職吏為孽繫民何辜惟我有神廟食茲土匪道吏遣亦為神羞神其來娛雨我多稼求與民吏荷神之休再祈雨社稷壇比以亢旱謁于神保神弗我顛驕陽如愆

耕藉失時大命攸繫敢再用幣以祈以禳神其哀恫益之霖霖雨我多稼神不民恤將率具僚敢共夙宵得請乃已

社稷諸廟祈晴

比之類素霖圯于水龍見戒事茲維其時乃以常陽害我後事神尚陰相割剝重陰俾克勸功迄底成績荷神之賜寧有弭心

春和祝文

維莫之春農功載新厥有彛章祈于有神神聽來娛顧享必芬庶幾撫魚夢我牧人

過資州展外舅提刑揚大夫墓祝文

龍集閣茂造公之居其在君難別公之祛公不慈留荆江之監欲逐公喪乘使者卓

欲視公寔攝部守符厥三十年被命守靈
上印趨召道公卿問始以續絮傳于生芻
借我婦子見吾舅姑嗚呼公乎其有知夫
尚輔吾志如平生與
赴 召辭先墓及諸廟祝文
上親覽萬機凡為權臣所嫉者以次召還
某誤在選中辭不獲命神靈陰相職是僥
諭將簡元辰往趨嚴詔不負所學是報神
寐

焚黃告先墓文

上踐作之歲某自往下吏升事官之貳未
幾以言事得罪贈遂之命凡十餘年不敢
以請比歲生還起家為吏會宗祀明堂先
考妣以恩升四品官明年改元親政被命
造朝將簡元辰往趨嚴詔始得以命書被
諸樂石以其貳焚于墓神其有知歆此休
命尚幾終相母為神羞

馮祭祀文

古者師行必有馮祭鄭氏謂是祭也禱氣
勢之增倍蠢茲大羊敢犯王畧天子震怒
受命仗鉞專征董師七路謹用牲以告于
神惟神典司五兵具在載籍其佑我王國
相我戎昭黨賴神休肅清天步匪惟受任
之臣得以復命于天子將社稷生靈實嘉
賴之

池州祭文孝廟文

惟神以禦蕃捍患扶在祀典蠢彼狂獬自
下天誅受我亂民整居王略天子震怒以
一介臣為八州督恪共武服師次池陽神
其相我戎昭矜彼群醜肅清天步以赫神
之靈

祭富池廟祝文

惟神以捍患禦災秩在祀典蠢彼狂獬自
干天誅受我亂民安劉疆圉天子震怒以
一介臣為八州督東至于海西接固陵北
盡漢淮南暨湘塗黜黜奴姑力小任重
未知攸濟神其相我武服矜彼羣醜安
天步以赫神之靈
重校鶴山先生大全文集卷之九十八

多務且頌用資終歲之勤

祈雨醮詞

取罰常陽已迫晏陰之候雍神不舉未蒙
方澤之滋緊批政之積愆顧烝民之何罪
一印以請沐場靡皇伏愿靈監博臨純恻
徹念國無六年之蓄日急切惟謀死於
須臾使雨自三日以往為霖尚可更生於
田里望竟待命以刻為年

再設九龍醮詞

時昭蘇僅徧時之原隰陽驕賜捷而
驚條之山川民易喜而為憂物尚榮而
俄倅定繫政事之謬必底陰陽之和斯民
何辜大命近止敢復憑於馨薦以存控於

宗祈黨類帝臨不崇朝而徧雨尚令田收
乃力耜必有秋震懼庶寧瞻仰以同

設太一碧玉醮啓壇詞

決辰不雨烈日如熒莫高匪天洋洋乎在
其二何爲使我皇皇然憫其苗匪帝意之
云惟顧民生其何罪厥惟祖政寔召當賜
用穆卜於靈辰將控析於甘澤發藥夏琅
函之祕洵被靜壇望紫微碧王之宮肅延
列馭庶蒙鑒提嗣致宗祈

青詞

閔閔農夫嘆其瘼矣皇皇帝欲必從之
敢瀆高明荐念懇欵詞決頓首所領徧
邵鑑名江鄉然灌漑之利不及二三而曉

磻之田蓋幾八九地磽确信之狹民賴
十日雨而五日風截然有序則一人耕而
百人食僅可無飢流不幸而稍愆時莫知
於收屆旬日在比至時惟南訛方驚滌滌
之山川莫惠吟吟之原隰雖浹沱之教下
猶震足之未聞豈時政之爽中瘳以石災
抑字民之失職至於無告孽由自作寧止
吏躬民實何辜俾罹旱暵惟下心之陰隲
掉民力之長勤政真惠寧以銷大交且國
無六年之蓄日急矧惟謀死於須之雨
自三日以姓爲霖猶可更生於田里借之
所迫言莫能揮

元設安寧軍府醮詞

斗三五陽方萬寶鄧榮之始月盈三五為
星矣祚善之辰敢揀魁魁之愚仰讀高高
之德中代念臣誤於使指實治寧川屬
守吏之空官揆彙章而攝事岳榮三組懼
縣簿之弗任祗謁九閩肆齋明而有情伏
幾靈燠來假神監博臨三光全而寒暑平
長無舊言五穀熟而民人育元用康平

叔母有疾報恩觀設醮

小人有母正喜懼之交懷大夏積陽俄時
明之干祿浸迫晏陰之候未遑勿藥之功
匪天降災緊人召禍使不藏之惟子則自
矣于厥躬何辜于耗乃分是咎用謹齊明
之薦亟伸請禱之私仰惟皇上帝之有仁

聞今比下民之無告近續了命度國効難
於母惡寬綽厥心用俾興達於李役由奉
之惴得請是期

再為叔母有恃

七十之親今不幸而有疾再三之瀆寧自
定子毋躬乃至累旬未有起色日月逾邁
而不任眼眩之藥血氣既衰而莫敢晦明
之遙豈上帝之云指致下民之孔辱是用
申述黜陳之事游希鑒諷之仁使攻之達
之即奏良醫之伎則老者少者誓酬鴻覆
之私寔不踐於斯言將有詞下再罰
為叔母設追薦醮
靡休匪毋未驕顧獲之恩何辜于天俾啓

膏肓之夢未旋皇後乞棄蘇齡藐然諸孤
尚忍一死蓋以未說喪車之輜莫寒殯肆
之惟既既誰以未歸若充窮而無措每思
其居處而思其笑語如聞乎嘆息而聞乎
容聲儼精爽之猶存徒攀號而何及爰謹
醴陳之事仰希鑒諷之仁轉心天天既莫
劫助勞之報長夜漫漫奠速起冥庶之魂
無父何恃無母何怙悵未報於劬勞謂地
蓋厚謂天蓋高曾靡吝於踟躕敢循道式
怡薦地梓林念姓某等自輒焉哀經以來
已十週星霜之變尚以北護之奉少酬南
轉之恩夫何縵陟祀之悲又不克循改之

養僕結服繡衣之如夢奉蒲裳蓋屋以來
婦居夢之思攀號欲絕而長兄某自聞喪
於他邑亦從母於九原某之若斯雖
卒生而何益惟秘洞啓超昇之式而到真
唯誠意之孚是用醴陳為慈闈而有請庶
蒙右譽朕罪緣以紀生誓畢餘齡勉酬洪
造

先叔母卒哭醴詞

二月皇皇忘母之不見中心養養過時而
不忘雖云禮制之亡當卒旦踊之定然而
集禮憂其未感感知氣之知新用陳醴祭
之儀少高劬勞之報曼曼長夜深嗟舛魄
之何之明明上天尚冀超昇之有所

叔母葬事設醮啓壇詞

日月有時方經衰於陟此須臾無死尚綴
息少號是言念諸孤自罹大故亦既痛深
而創鉅然猶獨博而豐仍冢嗣承宗僅及
受身之見季蘭尸祭不勝繆姪之喪蓋在
子若孫各喪其親雖扣地號天無詞于罰
縱圖生而何益欲即沒而未能既得卜於
嘉平將致嚴於厚夜粵稽道式夙開膺慶
之門致即殊庭格具齊明之薦醮陳伊始
昭徽是期
暮心天未罄劬勞之報喪事縱繼勉趨
寤安之期尚於純苦之餘敢控籲天之請

中謝伏念臣某等無父何祐有母尸喪夙
夜敬共粗竭備陵之養晤明襲逆遠罹嗟
藟之凶謂酷罰之云深奚餘殃之未殄幼
婦卒於護喪之日冢子殂於聞訃之餘豈
但一歲之間而有喪者二焉所謂鮮民之
生不如死之久矣姑延呼吸息以奉葬虞既
習卜於靈辰符啓帷於殯陳維皇上帝繫
誰云信今此下民亦孔之瘡敬倚道範冒
貢忱辭伏冀悔禍之延于誕克饗母前子
後俱承超度之恩歸茲姑慈成遂道遙之
樂更推餘澤溥及念情

散壇

掩再世之喪忍見纍纍之家室望九閔之

遂不勝商蘭之言奈既景之博臨鑒精
秉之聘事敢教終意此濟迹魂黨未先朝
露之晴姓遊不孝朕迷及黃泉之見亦未
有完

代鄉人設文昌醮啓壇詞立卷前

時正孟夏於四時而首序日臨上浹屬三
日之先春宜惟泰長之初光啓稟征之兆
思皇多士或造在庭仰瞻九則之崇各厲
四方之志文昌六宮之次儼司祿之騰輝
太微五帝之庭相進賢之在望醮陳伊始
降從是期

青詞

進有道得有命維古訓之莫踰紀而李杜

而行乃人情之甚供茲因大比咸教儒表
敢輸聖聖之愚仰讀高高之聽竊念臣等
或青蘊之於齋或白屋之寒儒刻心於經
術之閑探游思於詞章之麗則撫歲時之
惜邁尚篋必之棲遲寧敢怨尤但知循省謂
天之予人有出於語言之外士之為學豈
矜乎口耳之間故爵從於仁義忠信之修
而得在於疑殆悔尤之謹鄉老三年之比
攷德行道藝以興賢學正四術之崇頌詩
書札舉以造士是匪泛詞之尚久惟實踐
之稽况稟五行之秀而命曰人習先聖之
術而謂之上將以紀天彝而扶民極康時
否而濟世屯重任若茲匪才周界一念及

陽明先生遺集卷之九十一

此中夜以與莫知啓蒙之違寧但冀恆疎
之垂宥有儻乘殿而錄善獲効明時誓改往
以修來終酬大道

天威咫尺庶或享誠童瀆再三尚茲澄懇
念世道晦明之靡定實人才首長之相閱
維今戎索尚縶師干弗戢賦輿無藝農扈
告窮茲維時事之憂艱未肯天心之欲治
勞逸憂其如結欲終嘿而不能惟冀有詩
監觀無羈中錫惠統黎獻長開泰內之祥
陰陽下民永觀乾明之化斯文未泯善教
有依

三台山禱雨醮啓壇詞

敬壇

豈無膏雨殆卜暴而一暎亦有來亦徒寸
進而尺退炎炎未殄用罔可憐雖飢食渴
飲之易爲僅濡亦濟然杯水與薪之相敵
不救柰何敢紓危迫之情終冀燠臨之况
念國無六年之蓄曰急矧惟球死於須臾
使雨自三日以往爲再始可更生於田里
傾心以候得請爲期

冠山保福寺設碧玉醮詞

出雲爲雨既畜極則有孚終風且曩乃屯
膏而不下吏敢自赦天惟民矜尚國萬一
之鑒臨輯冒再三之塵瀆中諄伏念臣
冒分地守介在山椒傷哉土確而民貧重

以錢荒而物責張弓未弛靖燎方陽脫一
穀之不登紛百憂而未終往搜風雷之祀
山林川澤之宗既歷懇以誠求亦隨時而
姑應或霽塵奮張而適沮或蜚塵壞散於
禹成或出日而無光或瞻星而有孽豈政
教錯繆以戾陰陽之和抑獄訟煩寃以傷
天地之德有一于此自當厥躬忍鴻馮之
哀鳴眎牛羊之立死幸有醮禱之式敢希
保右之仁伏幾貨慢吏之積尤閱遠黎之
俱墟縱飢饉難逃於定數而轉移寔自於
洪鈞風馬雲車戒列神而受職雷鞭電懾
沛三口以為霖豈惟收東作之功將以球
夏畦之病使其即没于地亦永有詞於民

冠山再設碧玉醮詞 四月十日

其雨其雨乃有杲然出日之光蒼天蒼大
豈無矜此勞人之意雖瀆陳而莫遂欲終
嘿而不能中謝伏念臣繆政既足以奸陰
陽之和涼德不能以回天地之造十同所
隸一視維鈞云胡巡屬之封或波滂沱之
澤獨耳目之所接慨山川其如倏暝陰四
垂凍雨交集忽飛廉之馮怒即屏翳之端
開雲尚往而無功雷蒲盈而不發豈政令
未平於郊閔之內豈煩寃無告於邦城之
中不然天譴之流行奚獨地封之孔通省
循於此譴異曉然而遠孽於吏躬以移災
於農畝吏則幸免農其何辜用伸太一之

儀靡憚再三之嚮尚冀盪除陽疹蠲滌風
靈三日為霖無間手遠近郊之境百神受
職不難於翻覆手之間得請是期踏躬以
俟

南山祈雪青詞
十一月

凍閉不密雷出非時未霽雨雪之霽久缺
來牟之望使政令之謬孽自己作則災異
之來罰止吏躬何辜元元為此廩廩恭藏
黜陳之式仰希保右之仁凶則有鬼神鑒
臨在上益之以霖霖霽足為期誓改往以
修來冀善終之如始

天慶觀祈雨醮詞

時雨以愆懍懍常賜之罰首種不入皇皇

嗣歲之憂政瀆高明有神析懇中謝伏念
臣所承郡寄介在山嶽土狹而民稠地磽
而功倍五日不雨即抱甕而灌畦一穀弗
登則操瓢而殫整刻今錢荒物貴賦重歛
煩獨仰歲以為生將救民於垂死當微陽
之未復乃冷氣之先集豈惟瘧疾之是真
殆恐飢荒之不免昔由政事之謬以庚陰
陽之和而遠孽於吏躬以起災於農畝敢
脩醮告抑冀哀矜伏願上天同雲式霽霽
霽之澤大田多稼少寬閭閻之情

祈晴醮詞

肅霜戒律幸三務之成功積雨弥旬傷羣
陰之蔽日豈但穉穡之絀圃抑虞楚麥之違

時况江沱汎溢之餘有并邑蕭條之慮利
鹽未葺壞堞弗支既妨土木之功且病舟
車之後有皇上帝伊誰云憎今此下民亦
孔之毒于方于社不克不臨敢度越於彛
章冀哀矜於漢造伏願雲霧解散天日熙
明三光全寒暑平田里咸鋪於慈恨五穀
熟民人膏工商亦保於阜康

疏文

紫極觀化蓋三殿疏

紫極為縣之主山古殿類垣師徒解少十
數年來道士羅天啓悔然更新之高其閣
閱審其徒視昔亦云葺矣且三念殿椽瓦
簡陋相承不足以館御天神方議繕完會

有欲捐金以相其役者緝蓋之議乃決慮
材計庸或愆于素才免以告諸大姓相與
叶成其事而屬邑人魏某為書疏端某因
記八九年間嘗有鶴六西來翔舞于殿之
前極其後聞歲復至歲在庚午又有見焉
其來輒兆人物之祥以知江山興旺有時
理之先見章章如此宅于茲土者盍有以
道迎之至于勉所當事以無負江山之靈
則踧弗及也

德陽縣鹿堂觀化鍾疏

德陽之鹿堂道士公孫如海符為鍾於其
宮以警晨夕而謁余求一言以信諸人余
應之曰奚以余言為也爾之師有南華真

人者爾獨不見其記北宮奢為鍾之詭乎
三月而成或曰子何術之設奢曰一之問
無敢設也彭彭復歸必朴來者勿禁往
者勿止今爾盍持是以歸余不復贅云也
道士曰唯因書以贈之

四川文昌醮疏文

成都進士宋一鄂黃仲振等過前進士魏
某言明年當科舉之前一年其日秋分循
舊比同四蜀之士以道家者流有事下府
北五里梓潼大神之別祠願得一言以
勵衆志某山易繫言天地鬼神陰陽之道
而卒之以嘿而成之不言而信存乎德行
中庸論鬼神之德之盛而卒之以微之顯

來下錫之多務貽我來年敢伸報謝之私
仍露忱誠之懇今一人耕而百人食振古
如茲使十日雨而五日風自今以始終承
喜惠沈用康年

陳圭度其弟為道士化疏

韓退之送文暢師謂浮屠之說何故謂吾
徒而請也曾子固記仙都觀曰老子之教
其宮峴子或過焉既知異端之惑又猶若
曲筆以從衆始余閱此竊謂不然今大台
陳君圭與其弟踵門而告余將由是過儒
而歸老願得一語以信諸人夫聖賢之所
必膏律令之所不許况我心之所佛敢世
好之強從然而屢卻而請不休累月而意

逾厲乃知習俗之弊皆以襲訛而受件儒
先之文未嘗以私而廢公用述前言為書
踞首雖有來於其類寧無發於斯言

此處文字模糊，難以辨認，似為另一篇或另一卷之內容。

重校鶴山先生大全文集卷之一百

錫山安國重刊

勸農文

漢州勸農文

蜀地險隘多磽少衍側耕危獲田事孔難
惟成都彭漢平原沃壤桑麻遍野昔人所
謂大旱不旱者較之他郡差易為功而民
多游惰不事本業其所成往往視他郡無
以相遠非古今異時地有肥磽也太守以
天子命來守漢職在勸農自冬步春常賜
為珍震懼靡寧既露宗所迄旋嘉澤今以
中春之望率履官常躬行阡陌將進爾民
而勉之以服田力穡之要爾之生於乎沃

逾厲乃知習俗之弊皆以襲訛而受伴儒
先之文未嘗以私而廢公用述前言為善
疏首雖有來於其類寧無發於斯言

此處文字模糊，難以辨認，似為另一篇或重疊之文字。

重校鶴山先生大全文集卷之一百

錫山安國重刊

勸農文

漢州勸農文

蜀地險隘多磽少衍側耕危獲田事孔難
惟成都彭漢平原沃壤桑麻滿野昔人所
謂大旱不旱者較之他郡差易為功而民
多游惰不事本業其所成往往視他郡無
以相遠非古今異時地有肥磽也太守以
天子命來守漢職在勸農自冬步春常賜
為診震懼靡寧既露宗所迄旋嘉澤今以
中春之望率履官常躬行阡陌將進爾民
而勉之以服田力穡之要爾之生於牛沃

亦云辛矣毋廣土毋末作各服爾耕以勤
乃事則豐年之報將不爾遺養爾父母睦
爾兄弟樂爾妻孥速爾朋友禮義廉遜將
由是興焉若舍是不為越其罔有黍稷則
因無常心以陷於辟雖悔奚又謹之重之
明聽我言

灌遼寧府勸農文

歲二月勸農于郊太守事也今部使者攝
郡乃得與爾父老周旋於此且吾聞之造
物能予人以豐年不能殖不耕之田能遺
人以安宮不能福不率之民自比年來江
浙佳漢堙旱相仍流莩蔽野惟我蜀上歲
比有秋乃去年之冬三白呈瑞入春雨暘

以時爾之得斯于造物也亦云辛矣幸烏
可恃也孳孳子弟簡而務器脩而穡事若
時和歲豐錫爾多稼則仰事父母俯育妻
子豈惟爾利賦租以時無闕我餉事盜賊
衰息無懼我憲網吾與爾父老咸職有利
焉若子若弟乃有不率于教不服田畝不
孝養厥父母以害于閭里者其亦以告我
當與爾懲之若郡若縣乃有官吏不舉此
意與不急之務以廢而事肆無名之求以
害而力亦當為爾去之使者不妄語敬聽
毋忽

潼川府勸農文

太守下車厥既兩月詣邊官做鄉飲酒禮

以觀孝弟會賓友招諸生講肄學業以興
文行坏城郭練軍實除盜賊以安民業有
不率教于鄉者有詈訟以擾民者有以不
尊與聞之事挾持上下者有憑恃豪猾武
斷鄉曲者有妄告絕產與官吏為市使民
不得奠居者太守既為爾民繩以法令無
所貨又慮政事之爽中官吏之剥下工役
之妨農游觀之廢時亦為爾民圖所以除
蔽去吝雖未保其無過亦庶幾盡心焉耳
爾民既知太守留意爾事則亦當服勞稼
穡以副茲丁寧勸劭之意雖然又當推廣
此義崇孝弟以植善行之根厲廉恥以除
心術之莠親善類以浸灌氣質遠小人以

潼川府勞農文

隄防毒賊戒鬪狠飲博以毋害于爾生夫
然後可以上承天意享豐登之報而綿永
久之休其用我言毋曰具文
太守少九月丁亥向做古制勞農于郊登
進致父老而告之曰方春常賜害我穡事
告于方社冀得中熟焉亦云幸矣熟惠其
孚乃克有秋大踰始望太守才薄德菲無
以臻茲也皆爾民孝弟力田以濟登于什
祥太守亦職有幸焉故今日屬爾民而飲
之酒非徒懽樂之也七月之詩曰我稼既
同七入執宮功晝爾于茅霄爾索絢亟其
乘屋其始播百穀方築場以稼又急治廬

屋爲來年種植計古之人雖固有餘財民
有餘力而未嘗敢一日舍穡以嬉也矧惟
今日征調不休公私迫蹙貪吏假威於州
縣伺民之隙而肆其剝奪姦民罔利於邑
野逢吏之貪而售其告許爾孝弟力田積
理奉法毋忿爭罷訟毋傳奕慢遊則可以
免一有不然則貪吏姦民將不汝恤矣天
天道福善禍淫彼爲貪爲姦者終必自敗
而爾之傷財蕩產亡身辱親則已不可悔
矣夫爾民終歲勤動猶不足以養父母蓄
妻子豈容更以錙銖之積供此泥沙之用
吾爲此懼故屬尔民而申敝之者懼汝之
迫於日前而怠厥事弃爾成如余前之所

謂也又恐吾言不能詳盡汝不深省今將
晦庵先生朱待講示俗文一篇刊刻頭連
在前汝能聽用太守言歸以告而子弟族
姻鄉黨鄰里相與遵行無教則人事既盡
天報不爽嗚呼敬哉其毋忽

紀定六年勞農文

照會當職曩叨誤恩自木路憲潛移師東
川既不果來今十六年間不自意罪謫之
餘申詔起家再爲此行控幹不獲冒昧一
出到官半年未有報效照會當職所歷州
郡歲以二月勸農下郊農事既畢則又率
寮吏以十月勞農因相與謹明風化今仍
脩故事且列勸諭如後

一東川之俗素號淳朴乃自近歲物貴
錢蕙重以子於父母一辨而分若兄
若弟實同一氣至於族屬雖有遠近
自祖先視之則均為骨肉今或科謂
百出民不聊生浸失常心有闢風教
且如父母尚在而子孫析居異財視
父母如路人兄弟爭田產費用纖
毫必較往往迭相吞併連歲與訟入
下幸偶無子孫遠近族屬爭相睥睨
死者之由未審他人入室掩有家資
如被劫盜甚者誣謗寡婦撼搖當立
之人比風薄惡弊下可畏又如甥舅
之親婚姻之家雖由人合實保天倫

或因貧富不侔以何貨而爭訟或因
孤弱無知以欺陵而致詞不思一到
訟庭便是仇敵其如無理不免犯法
縱令得理亦已傷恩其爭起於毫芒
其怨及於子孫此皆長吏無以感移
惟有關閣思過然而為士若民亦宜
各卒天常循理安分相期無訟省事
息爭以召和氣以厚風俗
一夫人家道之興替傳世之久近皆係
乎心志之感方曰積善之家必有余
慶書曰作善降之百祥讀語相傳蓋
有自來然而所謂善者只是為其所
當為如忘於君孝於父于兄弟信

于朋友皆本分言為之事苟循理而
行則一日之間一家之內吉詳止正
和氣集之為慶為祥皆由乎此近則
一家一國與之與之則派及子孫
垂慶無窮與吳端之說為一善則
責一報大有不同彼謂為善而暮責
報者乃是利心非所謂善又有一種
人終日為不善而誦事佛老祈求神
明不知惡念之感家道衰替子孫絕
戒皆由此始而况貨博而入者必博
而凶各宜儆省同遊休祥
古者比閭族黨患難相恤守望相助
自時事多難人心不固乘時幸交助

在皆然且如前年之冬虜入軍墮
手之民旁緣為姦大則殺傷小則劫
奪已有當時被人誅戮者其幸而得
免則事定之後官司窮治或殺或竄
終無清脫局若守長安分勿起貪心
和睦族鄰保護鄉井可以全軀保家
近事昭然所宜深鑒
京川與峽郡接壤家詩戶書與峽俗
異其尚有不識是非利害之人往往
以窩停為事內與盜賊結連外與猾
吏盤錯自謂得計然而世間為盜未
有終身不敗者一陷于罪連及窩戶
身犯重刑家財破散骨肉流離誠可

哀痛今加勸諭各宜自新免貽後悔
一士農工商各專一業教唆為事非善
謀生本路之民元是淳朴其間或機
凶猾之人肩搖是非興起詞訟甚至
假儒衣冠出入官府日前豈無所得
然兩造在庭必有勝負用錢得理者
終於理索不得理之家亦有詞訴監
賊斷罪勢必不免名且改過毋取羞

一近來風俗日敝不安義命之人皆以
支下八卦為名不務本業奔走神佛
祈求夢兆以圖科舉不思行義不脩
學業有像亦豈諳神佞佛可以竊收

為二若此何責乎民各期勉力進修
以須時用

右今給付父老各宜準此更相勸率以備
當職勞農之意

端平元年勸農文

太守居郡菁歲無德于民上始親萬幾用
漢宣帝增秩賜金故事以寵靈之茲懼無
以稱塞明詔苟利於民惟既厥心昔歲三
務成功嘗勞爾于郊府用我言肯訓保今
春二月復以故事躬行仟佰進爾農而申
告之呼嗚爾亦知事猶可為者乎異行頑
臣贖貨濁亂朝網貪刻相師利民憂國使
水旱盜賊無歲無之以害爾稻戶今分驛

澄霄大明昭升表廉威含於言別惡志誠
意實德持之悠久則民氣和樂精神流通
四序協宜三光軌道灾穰不作冠賊消弭
爾農亦得以畢力於所當事服田力穡以
孝養爾父母毋輯寧爾既姻爾之生斯時顧
非幸與爾不我聽遊惰般樂博奕飲酒鬪
狠罵訟以違農時則雖有聖明在上特和
歲豐爾之自棄不獲與享以飢餓于我上
雖悔矣及尚慮爾農不論吾志今以元儒
朱文公孝經解一章列于篇首爾尚聰聰
之以告爾子弟毋忽

端平元年勞農文

太守前年十月以古典勞農于郊今年十

月當修故事而太守以君命及去官有日
用登進爾父老而終告之曰維民之生於
天地間相保也相教也相救也相賜也相
葬也此同類之至情也而出乎其類者為
之君公師長則又有以保之教之救之賜
之葬之蓋無以保則危無以教則昏無以
救則厄無以賜則闕無以葬則傷有一于此
太守懼焉於是以太學校為第一事治器服
正堂序壞者更之未備者補之所當辨正
者定其位而營築之使鄉里之莫無間遠
近皆得以麗習其間庶幾不貽乎無禮無
學之憂也其次謂比年以來國有狄難兵
盜相乘郡邑之間城築當固戎器當除今

龍見駟正以次具舉尚庶幾無忝於城郭
之臣矣則又念民有不幸顛連廢疾鰥寡
孤獨莫遂生全州故有養濟院歲久法弛
廼為買田以增益之而三者之外又有所
謂養生送死者廼循社倉之法官搆本錢
秋糶春糶以平物價庶免乎塗塗溝濇者
矣然死者人所不能兄也則又擇高燥之
地以殮之俾各有歸太守所為止於如斯
而已雖然小惠未徧此何可恃以為安微
爾父老務本居業服田力穡則國無餘財
民無餘力學校有時而弗葺也城築有時
而圯壞也養濟有時而窮也生有時而弗
給死有時而弗恤也而所謂務本居業非
一人所能自為則又在於詔而子弟訓而
妻孥安其安無悖於義事其事無墮下嬉
養老而慈幼食力而助弱賦役少時上下
兼裕則所謂五事者雖千百年可使為太
守者繩繩不替以與此邦相為無窮也顧
不美歟

重校鶴山先生大全文集卷之一百

易學文官 鶴山先生文集卷之一百

廣雅釋義卷之六

| | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | | |
|---|---|---|---|---|---|---|---|---|---|----|----|----|----|----|----|----|----|----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|
| 一 | 二 | 三 | 四 | 五 | 六 | 七 | 八 | 九 | 十 | 十一 | 十二 | 十三 | 十四 | 十五 | 十六 | 十七 | 十八 | 十九 | 二十 | 二十一 | 二十二 | 二十三 | 二十四 | 二十五 | 二十六 | 二十七 | 二十八 | 二十九 | 三十 | 三十一 | 三十二 | 三十三 | 三十四 | 三十五 | 三十六 | 三十七 | 三十八 | 三十九 | 四十 | 四十一 | 四十二 | 四十三 | 四十四 | 四十五 | 四十六 | 四十七 | 四十八 | 四十九 | 五十 | 五十一 | 五十二 | 五十三 | 五十四 | 五十五 | 五十六 | 五十七 | 五十八 | 五十九 | 六十 | 六十一 | 六十二 | 六十三 | 六十四 | 六十五 | 六十六 | 六十七 | 六十八 | 六十九 | 七十 | 七十一 | 七十二 | 七十三 | 七十四 | 七十五 | 七十六 | 七十七 | 七十八 | 七十九 | 八十 | 八十一 | 八十二 | 八十三 | 八十四 | 八十五 | 八十六 | 八十七 | 八十八 | 八十九 | 九十 | 九十一 | 九十二 | 九十三 | 九十四 | 九十五 | 九十六 | 九十七 | 九十八 | 九十九 | 一百 |
|---|---|---|---|---|---|---|---|---|---|----|----|----|----|----|----|----|----|----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|-----|-----|-----|-----|-----|-----|-----|-----|-----|----|



